

JOANNIS WEISZ,

LEUTSCHOVIA-HUNGARI, MED. DR. PHYS. INCLYT. COMIT.

ZEMPLINIENSIS,

PYRETOLOGIÆ
PRACTICÆ
TENTAMEN.



EDITIO SECUNDA.

VIENNÆ,
apud Rudolphum Græffer, 1783.



PRÆFATIO.

Tentamen solum, non opus perfectum, tempore perficiendum, Lectoribus eruditis hic sisto. Impulit me diversitas Pyretologorum, ne dicam quorundam confusio, enumerandi, classificandi febres, & inde nata mendendi difficultas. An unquam febris a symptomate denominata, an nomen quoddam generale, Medicum unquam in sananda febre dirigere valebit? Et tales tamen sunt plurium febrium divisiones. Acuta febris vox est vulgatissima: an semper eadem, an eandem medelam admittit, an certam aut firmam Medico dat indicationem? Putridam febrim jam vel

Tyro Medicinæ audit : an non sæpe
diversissima, aut diversissime modifi-
cata, diversissimam medelam requi-
rit ? Nosocomia morbis febrilibus
consecrata, observationes adcuratæ,
lectitatio dein, comparatioque opti-
morum Pyretologorum hæc docere
videntur, quæ enarrare tentavi. Mi-
tiores Vestram censuram peto ; &
adfero, me ad meliora a Vobis edo-
cenda promptissimum esse.





DE
FEBRIBUS IN GENERE.

Definitio ; logica vix ulla datur ; quum nullum prorsus symptoma sit, *perpetuo, ubique*, febribus essentiale, & verum signum *pathognomicum* suppeditans.

Nec calor *præternaturalis* tale præbet ; quia etiam ab ira, cursu nascitur, & quia quædam intermittentes absque calore sunt :

nec *præternaturale frigus* , quia hoc non in omnibus adest ;

❧

nec *pulsuum variationes præternatura-*
les, quia jam HIPPOCRATES febres de-

nec *functionem læsiones*; quia hæ & in
chronicis, non febrilibus, adsunt:

nec SYDENHAMI, CELSI, STAHLII
a *causa finali* repetita definitio, febris inti-
mam naturam ponunt.


Descriptio. Conditio corporis præter-
naturalis, vicissitudine caloris & frigoris,
pulsuum arhythmia, & quadam functionum
læsione per decursum stipata, *febris* est.

Causæ, innumeræ. Omne, cor, arte-
riæ validius irritans.

Imateriales, seu animi adfectus vehe-
mentiores.

Materiales; vel *intra corpus* natæ;
pituita, bilis, quantitate aut qualitate pec-
cans, putredo, vermes &c. vel *extra cor-*
pus ortæ, aër, quacunque ratione vitiatus,
heterogeneis scatens, motus subito mutatus,
auctus; alia pungentia, vulnerantia &c. ostiis
corporis quibuscunque, porisque suscepta
&c. omnesque sex res non naturales, usu
perverso adhibitæ. Nulla febris oritur abs-
que irritatione, seu stimulo, multum, pa-
rum, vix, manifesto.

Sym-



Symptomata innumera sunt. Nullus morbus, qui febris symptoma aliquando non fuisset.

Communiora sunt : *frigus*, initio plerumque præfens ; *calor*, quem sensatio *Ægri* ut plurimum docet ; *pulsus mutatio* ; ferme semper celerioris ; dantur tamen febres cum naturali tardiore ; *fitis*, quousque mens viget ; *lassitudo*, *dedolatio*, *adynamia*, *functiones lætæ* &c.

Minus communia : v. c. convulsiones, aliaque. (*)

(*) Non inmorabar in recensendis febrium causis, utpote ubique reperiundis.

Divisio febrium vix ulla completa est. Dividuntur autem

1) a *prædominante symptomate*, juxta HIPPOCRATEM, GALENUM, in *Ardentem* ab ardore, in *Epialan* a frigore, intercurrente calore, in *Tiphoden* ex stupiditate *Ægri*, in *Asoden* ex inquietudine, in *Lypyrian* ex frigore extremorum cum sensu ardoris, in *Lyrroiden* ex singultu, in *Marrasmoiden* ex tabe sine pure, in *Heloden* ex frigore adsiduo, in *Hidroperiton* ex sudore &c.

Sed hæc diversissimarum febrium comites esse possunt ; ergo *naturam febris* non

determinant; & sic in infinitum numerus februm cresceret, quia infinita dantur symptomata.

2) Juxta periodum, in Continuas, Remittentes, Intermittentes.

3) A numero dierum durationis; in chronicas, acutas, acutissimas &c.

4) Ab anni tempore, quo vigent; in hyemales, vernaes, aestivales, autumnales.

5) A peccante humore; in inflammatorias, pituitosas, biliosas, putridas.

6) A copia Adfectorum; in epidemicas, sporadicas.

7) Ab effectu, e. g. in putridas, malignas.

8) A difficultate aut facilitate curandi; in benignas, malignas, curabiles, lethales.

9) Ab efflorescentiis conjunctis; in variolosam, morbillosam, erysipelatosam, petechialem, scarlatinosam, miliarem &c.

10) Ab adfectione topica; in phreniticam, apoplecticam, pleuriticam, dysentericam &c.

11) A complicatione varia; e. g. in inflammatorio-biliosas, putrido-inflammatorias &c.

Patet

Patet ex hoc febrium ingenti numero, diversitate, complicatione, difficultas classifi-
candi, & medendi.

Oportet quasdam frequentiores, puras-
que, tanquam *cardinales*, seu tales, ad
quarum aliquam alia omnis febris reduci
queat, tanquam illi cardinali analoga, pro-
ponere. Tales erunt *Inflammatoria*; *Bi-
liosa*; *Pituitosa*; *Variolosa*; *Morbillosa*;
Intermittens.

(*) *Putrida*, *maligna*, *pestilentialis*, reliquæ *ex
anthematicæ* ad has cardinales reducentur.

I. INFLAMMATORIA.

Synonymia. HIPPOCRATIS *febris ar-
dens*. GALENI *synochus non putris*. HOFF-
MANNI *synochus simplex*. BOERHAAVII,
SWIETENII *synochus non putris continua*.
HUXHAMI, TISSOTI *febris inflammatoria*.
ALIORUM *continens inputris*.

(*) *Febris ardens*, HIPPOCRATIS *inflammato-
ria*, bene distinguenda ab alia EJUSDEM *pu-
trida ardenti* in malignam conversa, quam
Causon vocavit,

Def.

Definitio, causa proxima, eum certitudine adsignari non possunt, quum Sydenhamiana, Boerhaaviana, Culleniana, & recentissima Hewsoniana explicatio adeo differant.

Duo in omni inflammatione adesse statuuntur : *irritatio, crispatio solidorum, sive spasmus : fluidorum condensatio.*

Posterioris nulla adest certitudo, dum experimenta HEWSONI demonstrare videntur, sanguinem phlogisticum naturali esse potius tenuiorem.

Hæc, si nihil aliud demonstrent, hoc tamen docere videntur, nos de intima natura phlogoseos parum scire.

Causæ remotæ. Ætas virilis per eminentiam : non tamen immunis manet infantilis, juvenilis, senilis ; status athleticus ; rigiditas ; labores ; motus inmodici ; saltus nimii ; vigiliæ ; pergræcationes, ingluvies, aromatum, spirituosorum abusus ; hyems, hac epidemice grassantur ; ver, autumnus provectus, siccus, frigidus ; æstus ; insolationis ; acria quæcunque venena ; stimuli ignoti, specifici ; evacuationes, sanguineæ præprimis, subpressæ, mentis intensiones, moeror &c. (*)

(*) Innumeras alias causas procatacricas & prægumenas reperire est in plerisque Pyretologiis.

Signa

Signa diagnostica, seu symptomata communiora. Frigus, fitis, calor, sæpe soli Ægro in maligna inflammatione, sæpe & ægro, & Medico, sensibilis. Pulsus initio ferme semper durus, fortis, plenus; affecto simul viscere, sæpe subpressus, fictitie debilis, inæqualis, intermittens; cephalalgia vehemens; rubor, siccitas oculorum pulverulenta; hallucinatio vespertina, & post somnum; respiratio læsa, tussicula sine aut cum sputis aquosis, ni quid pleuriticæ aut peripneumonici adsit. Alvi obstructio, vel alvus parca, sicca. Urina initio parca, rufa, sine contentis, dein copiosa, aquosa; varietas tamen circa hæc nonnunquam obtinet; cutis sicca, inperspirabilis; excretiones universim omnes siccæ, paucæ; somnus parvus, subin & sopor magis, quam somnus, &c.

Crusta phlogistica. Hyemales, verna-
les inflammatoriæ plerumque hanc exhibent.
Abest tamen sæpe in verissima inflammatio-
ne. Subinde initio, subinde vi febris, vigo-
ris morbi, producta adparet. Rarius æstate
cernitur; & si adest, tum non hæc vera
pleuritica, alba, tenax, contracta, striata,
radiata; sed flavescent, plumbea, livida,
non adeo crassa, tenax, gelatinosa, diffusa,
quasi

quasi ex sputis Phthoicorum nata, variegata, interrupta. Talis in bilioso - aut putrido-inflammatoriis cernitur. Sæpe loco crustæ, sanguis totus tenax, vix scindendus est, ne hilum feri continens, instar massæ tenacis, compactæ.

Syndrome æquabilis : nisi vesperi pulsus fortior, & quædam alia aucta.

Graviora sunt : Frigus aliquot horarum ad ingressum febris; delirium; vigiliæ, convulsiones : omnia hæc ab adfluxu humorum versus caput, aut nimia irritabilitate infantili & feminarum; nausea; vomitus ab irritatis fibris ventriculi; tubive totius alimentaris; debilitas magna, notha tamen, a crispatura fibrarum & adfectione nervorum; subito enim Robustissimos quosque prostermit.

SPECIES.

I. INFLAMMATORIA EPHEMERA.

Rudimentum, potius levissimus gradus

IIIdæ. CHRONICÆ,

E g. hæmoptoë quædam inflammatoria, peripneumonica, peripneumonix Phthisicorum.

III.

III. DISPOSITIO INFLAMMATORIA, SEU SUBINFLAMMATORIA FEBRIS.

E. g. Menstruantium plethoricarum, vel Plethoricorum aliorum, regnante phlogistica hyemali epidemia; degenerant hæ dispositiones sæpe in exquisitas inflammatorias.

IV. CATARRHI INFLAMMATORII.

Majorem plerumque fragem edunt, quam exquisita febris inflammatoria; quia aut negliguntur, aut calidis, aromaticis, sudoriferis tentantur, & in phthifes abeunt.

V. UNIVERSALIS.

Nullam partem specialiter adficiens

VI. LOCALIS,

Seu cum topica adfectione. Capitis inflammatio levis cephalalgiam, gravior phrenitidem, gravissima apoplexiam, inflammatorias producet: huc inflammatio oculorum, aurium, periostei dentium, gingivarum; anginosa; pleuritis; peripneumonia; pleuroperi-

peripneumonia ; pericarditis ; carditis ; gastritis ; enteritis ; hepatitis ; splenitis ; metritis ; nevritis ; peritoneitis ; epiploitis ; cystitis , rheumatismus inflammatorius , paronychia &c.

VII. NON MALIGNÆ ;

Pleræque inflammatoriæ febres benignæ sunt.

VIII. MALIGNÆ ;

Si causa ignota , stimulus validus , non tollendus , ignotus ; si post multas venæsectiones sanguis semper pleuriticus ; pulsus semper durus sit , si inflammatio viscus totum vitale occupet , si corpora cacochymica invadat.

IX. ÆSTIVALES, SEU SPORADICÆ ;

Brevi cessant ; hinc inde tantum versantur , sinceræ raro sunt ; post tertiam venæsectionem plerumque finiuntur ; aut , ni hoc fiat , non amplius sunt inflammatoriæ , sed in putridas transeunt.

In

In his vix recidiva observatur, etsi re-
crudescent : non amplius ut inflammatoriæ,
sed ut biliosæ aut putridæ tractandæ.

Hyemales, vernaes epidemicæ diutius
durant ; facilius recidivam patiuntur, in pu-
tridas plane non, aut rarissime, mutantur.

X. SINCERA, SEU EXQUISITA, INFLAM- MATORIA.

Complicata e. g. cum gonorrhææ primo
stadio, *cum bubonibus, cum lue ipsa* : inde
febris inflammatoria Luosorum sæpe observa-
tur ; ob validiorem miasmatis venerei stimu-
lum : *cum dentitione*, inde febris inflamma-
toria Dentientium ; *cum hæmorrhoidibus*,
inde febris inflammatoria hæmorrhoidalis,
cum biliosis putridis febribus ; si hominem
juvenem, robustum invadant, aut calidis
tractentur ; *cum vermibus*, si hi intestina ro-
dant ; *cum contusionibus, vulneribus, fra-*
cturis, &c.

Cura generalis. Diæta tenuissima ex
carnium jusculis non meracis, succo citri,
aceto conditis. Melior vegetabilis ex ace-
tosa, acetosella, fructibus, oleribus.

Phlebotome initio largior; habito respectu sexus, ætatis, consuetudinis; magno vulnere instituta. Si plures requirantur, potius paucis interpositis horis fiant. Mala esset medela, venam semper secandi, usque ad mollitiem pulsus, aut absentiam crustæ. In quibusdam ad mortem usque sanguis fuit crusta pleuriticosa tectus, & cadaverum sectiones sanguinem adhuc phlogisticum, ex inflammatione concretum in speciem polyposum demonstrarunt. In Pleuriticis convalescentibus crustam subinde majorem, quam in vigore morbi, observavimus.

Omnis generis *emollientia*, ore, ano adplicata; *tepida* identidem omnia; *pediluvia*, *semicupia*, non calida, sed tepida. Abdomini, thoraci, *lintea quadruplicata*, lacte aut aqua tepida grava, *methodo Tissotiana* adplicanda.

Interne emulsa, *ptisanæ*, *decocta emollientia*, *nitrosa*, *refrigerantia*, propria nulla sunt.

Nitrum, dum ore solvitur, tantum refrigerat. Hinc solummodo quæ blandissimum sal convenit, alvum & urinas absque notabili humorum motu expediens, reliqua salia difficiliter feruntur, & nimium movent. V. circa hanc rem adlatam primum ab Cl. EDI-

To-

TORE *Prælect. Patholog. Haenianarum* observationem, *Tom. II. p. 252.*; ubi manifeste demonstratur, virtutem nitri refrigerantem non debite hactenus fuisse expensam. Si & iudicium refrigerii ex lingua sola valeret, mentha piperitis & camphora essent refrigerantia. Nitrum nuper majori dosi, ac consuetum est, laudare cœperunt, sed metus est diarrhææ, tenuiora evacuantis, debilitantis, & motus stimulo salino aucti. Plane non, aut minima dosi, conveniet, ubi ipsi loco inflammato applicatur e. g. in gastritide, enteritide &c.

Acescentia præterea; actu acidâ; cremor tartari; sal acetosellæ essentialiale, liquor terræ foliatæ tartari; phlegma vitrioli dilutum; saponacea vegetabilia omnia; limoniorum, citri, aurantium pulpæ, succi; ferum lactis; lac ebutyratum; oxyfacchara; oxymellita omnia laudantur. • Omnia hæc tepide adsumenda sunt.

(*) Hæc enumerata sub nomine *curæ antiphlogisticæ* veniunt.

Cura specialis symptomatum urgentium.

B

Fri-

Frigus validum pro intermittenti febre hic non erit considerandum: nec evacuanti-
bus stimulantibus tentandum.

Nausea, vomitus, inflammatoriarum fe-
brium, ab irritatis fibris ventriculi, non po-
stulat emeticum, hic certo perniciosum. Vo-
mitus spontaneus quandoque juvabit Eos,
quos febris laute pastos adgressa fuit, & hic
potu tepido, acescente, mellito, ni nimius
fuerit, promovendus erit.

Linguae albae sordities in inflammatoriiis
sine saburra adest; hinc evacuans non po-
stulat.

Sitim maximam acescentia, emollientia,
taleoli fructuum horræorum, aurantiorum
&c. nitrosa, sedabunt.

Debilitas inflammatoria spuria, non sti-
mulantibus, sed adparatu toto antiphlogisti-
co tolletur.

Adfectiones encephali, balnea tepida
pedum, situs corporis erectus, & reliqua an-
tiphlogistica, scarificationes nuchæ, sangui-
fugæ ad tempora, curabunt.

Vesicantium usus hic proscribendus est:
febrim accendunt, post opium certissimum sunt
sudoriferum; urinæ & alvi excretiones mi-
nuunt, licet ejus mittendæ stimulos augeant;
nimium adplicata mictum cruentum, ischu-
riam,

riam, alvum cruentam producunt, humores dissolvunt, putredini magis obnoxios faciunt; hinc loca vesicantibus tentata tam facile gangrænescunt; sitim augent; paucissimis casibus exceptis, humores ad caput urgent; hinc facies turgida rubra lis, quibus non indicata adplicabantur. Legenda de his *Dissertatio* BAGLIVII observationibus fundata, ac *Cel. FORSTEN, Disquisitio medica, Cantharidum hist. nat. &c. exhibens.* Convenient in inflammatione rheumatica metastatica, acri aquosa, præmissis præmittendis, aliisque in decursu enarrandis casibus; ubi ad hæc, quasi ad sacram anchoram, confugimus.

Vigiliæ emulsa nitrosa, emollientia, venæsectiones, oxycrata ad tempora poscunt.

Opium, hyosciamus, aliaque narcotica vix convenient; dum vires habeant rarefacientes, calefacientes, sanguinis orgasmum inducentes, apoplecticas, sudoríferas. Quomodo ergo exquisita perdurante inflammatione convenire possent?

Convulsiones Infantum, Feminarum initio morbi, præprimis si topica inflammatio adsit, & dolor validus, non nervinis, spiritibus volatilibus, opio; sed cataplasmatibus emollientibus tepidis, & reliqua cura antiphlogistica tollentur.



Frigus excedens , & regimen calidum cavenda erunt.

Topicæ adfectiones , in omnibus Pathologiis ut totidem morbi considerantur; hinc paucis dimittam.

In enteritide gravissimus error committeretur , si hujus dolorem colicum pro flatibus haberemus , & carminantibus stimulantibus tractaremus. Omnis dolor intestinorum spasticus est , & flatus creat. Pulsus quoque in enteritide decipit , calor sæpe naturalis est; dantur enteritides latentes , ubi vix magnus dolor adest: sed abdomen leviter tympaniticum , tumidi quid & resonantis , enteritidis , præsentis , aut futuræ , suspicionem nobis dare possunt.

Frigus extremorum inflammatis visceribus non semper gangrænam docet. Adfuit sæpe , & inflammatione sedata Æger convaleuit.

In peripneumonia , pleuritide. Quidam statim aut post aliquot dies ad expectorantia recurrunt , quasi omnis pleuritis & peripneumonia sputis solvi deberent. — De Vesicantibus jam dictum , hic frequenter male adhibitis.

Circa complicationem jam enarratam , notandum est , febrim cardinalem inflamma-

to-

toriam semper prius curandam, deinde morbum, qui inflammationi accessit.

Exitus. Febribus inflammatoriis crises solemnes esse dicuntur. Sed non infrequentes sunt, quæ sine manifesta sensibus mutatione solvuntur. Inflammatoriæ fuere pariter, quæ critice evacuabantur, sed non diebus consuetis ab HIPPOCRATE Aliisque designatis.

Metastasis mala metuenda est, si, evacuatione nulla facta critica, Æger cutem inperspirabilem habeat; si alvus sit morosior, non nisi enemate sollicitanda; si sputa deficient: plura hujusmodi exempla habuimus in nosocomio. Mala plerumque & imperfecta metastasis ad parotides est. Reliqui exitus inflammationis in omnibus Pathologiis abunde traduntur.

Prognosis. Signa salutis: pulsus mollior post primas venæsectiones. Nonnunquam tamen pulsus tantum mollescit feбри penitus suffocata. Hinc iterum male ageremus, semper venam secando ad mollitiem usque pulsus. Dolor capitis minor. Excretio urinæ, alvi, uberior copiosior. Humiditas partium antea siccarum, cutis, linguæ, oculorum, narium. Sudor universalis levans &c.



Signa mala: nullum levamen post venæsectiones; pulsus semper durus; inflammatio a putrido stimulo; inflammatio in corpore cacochymico; inflammatio cum morbis, aliunde periculosis, complicata; inflammatio calidis tractata; æstivæ inflammationes semper periculosiores sunt, quia nonnisi ex graviore causa oriuntur.

II. FEBRIS BILIOSA.

Synonymia. HIPPOCRATES *febrim a bile*; BAGLIVIVS *mesentericam*, quæ tamen magis jam ad putridas saburrales pertinet, uti *febris nova* SYDENHAMI; ALLIONIUS *gastricam*; TISSOT, ZIMMERMANN *biliosam*, ALII *continuum remittentem* aut *synechen* seu *continentem* adpellant.

Causæ. Bilis quantitate excedens, qualitate peccans, rancida, acris: materies biliformis seu bili analoga, pinguis, putrida: bilis cum pituita mixta, tenax, in fila ductilis, viscida; aliena quæcunque materies ex ingestis nata.

SPE.

S P E C I E S

I. DISPOSITIO BILIOSA, SEU CACOCY-
MIA CHRONICA BILIOSA;

Ubi febris non erumpit, sed solum ructibus, rosionis sensu, cephalalgiis, amaro-
re, impuritate linguæ, jejuno præprimis ven-
triculo, *facie* dein, per eminentiam, *bilio-
sa* vocata, sese manifestat. In hanc caco-
chymiam quandoque ipsa febris biliosa male
curata transit.

II. UNIVERSALIS.

Nulla parte specialiter adfecta; rarius
observatur, quin non præcordia adficiat.

Cum topica adfectione, Encephali: Ill.
VAN-SWIETEN & Plures, & Nos *phreni-
tides* biliosas æstivales observavimus. *Hemi-
cranias, ophthalmias, amauroses, epilep-
sias, gastricas* vidimus. *Ill.* VAN-SWIE-
TEN *epilepsiam* vomitu curavit.

FORESTUS speciem quamdam *angine
biliosam* adpellat, sæpius nobis curatam.
Eandem SAUVAGES *synochalem* adpellat.
HUXHAM, BOERHAAVE, anginas æque
tales describunt, non tamen sub hoc nomi-

ne ; syptomata tamen & cura hanc fuisse docent.


Febrim *biliosam* , *pleuriticam* , *putridam* , *malignam* , quia antiphlogisticis non cessit , præter commemoratos Auctores , TISSOT , CLEGHORN , VANDER HEYDEN describunt.

Catarrhos biliosos & nos vidimus , & Gottingæ observati : catarrhus epidemicus Viennæ 1756. grassatus , kermete minerali ad vomitum usque propinato , curatus.

Febres biliosæ quoque sat frequentes , cum *singultu* , *vomitu* , *cardialgia* , *cholera* , *colica* ; cum *efflorescentiis* ; *erysipelate* ; cuius originem FORESTUS semper biliosam dicit ; GALENO , SYDENHAMO , TISSOTO idem testantibus. Cum *petechiis* vidit STRACKIUS , nobis etiam frequenter visam. Cum *miliaribus* , teste HOFFMANNO , ALLIONIO , SYDENHAMO , SWIETENIO , ZIMMERMANNQ , qui purgantia in his suadent , sicque eruptionem impediri aut morbum curari ajunt. Febrim *scarlatinofam biliosam* adduxit ROSENSTEIN. *Rheuma a bile* describit SYDENHAM ; visum nobis , & curatum. HUXHAMI *colica Damnoniorum* huc reducenda est. *Ischiadem* , *lumbaginem* , *arthritidem* , *biliosas* , BAGLIVIVS , HOFFMAN-

MANNUS, BALLONIUS narrant. *Biliosa cum bubonibus, anthracibus, carbunculis* externis levioribus, ante biennium æstas, putridis infamis, exhibuit. *Biliosas cum hæmorrhagiis*, pulmonum præprimis, vidimus emetico curatas. CL. MURRAY in *Mat. Med. cap. de Ipecacuanha* plures hæmorrhagias narrat, emeticis curatas. *Biliosas cum diarrhæis, dysenteriis* omnes æstates testantur. Adfectiones hæ topicæ biliosarum, putridarum, malignarum, in initio minus sunt periculosæ, plerumque emeto-catharsi tolluntur. At serius, vigente morbo, dolorificæ accedentes, jam præmissis solventibus, & emeto-catharsi, ortæ, signum dant, incipientis, aut ibi latentis inflammationis, curam anti-phlogisticam indicantis.

(*) Causa harum topicarum adfectionum non explicatur apte per *consensum*, quia idem est, ac si nihil diceremus; sed melius per *metastases*. Notum est, finita exacerbatione in his biliosis, sudores oriri copiosos foetidos; ponamus nunc, partem quamdam corporis debilitatam, fiet tunc illac depositio. Quomodo autem hæ metastaticæ & topicæ adfectiones emetico uno sæpe subito suffocentur, sequentia docent. Ante emeticum semper dantur



solventia, his materia diluitur, inviscatur, communi circulo humorum traditur, & per sudores, quos emeticum certissimos producit, extricatur, diffiatur, & una cum saburra in primis viis hospitante, ejicitur.

III. Divisio juxta periodum, non ita practica & utilis: in CONTINUAS, REMITTENTES TERTIANAS, QUARTANAS, SEMITERTIANAS, quæ facile in INTERMITTENTES abeunt.

Cura hic non differt. Quoad prognosim quid boni habet; quo pauciores enim exacerbationes, eo benignior est.

IV. In BILIOSAM SIMPLICEM, PURAM, nulli alii morbo junctam, uti æstate frequentiores sunt: & COMPLICATAM

cum febris inflammatoria, hac epidemice regnante; e. g. hyeme, vere initiante, autumno provento; si biliosa validior sit, aut calidis tractata fuerit; si Subjectum plethoricum, juvenile adgrediatur; si biliosa sit cum topica adfectione viscerum; si neglecta diu fuerit.

Cum putrida: frequentius biliosa in putridam mutatur, per neglectum, omissionem evacuantium, venæsectiones copiosas &c.

Cum

Cum variolis ; omni quidem stadio, quæ sæpissime ex sola hac complicatione in malignas vertuntur ; hinc provida natura vomitum, vel diarrhæam salutarem primo in stadio excitat ; hinc & SYDENHAM emetico mentem Variolantis restituit, febrimque jugulavit. Bene tamen hæc complicatio variolarum biliosa, ab alia earumdem inflammatoria distinguenda est.

Cum morbillis ; rarius tamen æstate regnante epidemia biliosa ; magis enim morbilli consortium amant inflammatorium, peripneumonicum.

Cum peste ipsa : FORESTUS, CHENOT, aliique nonnulli Loimiatri, levamen mitioremque decursum pestis ab emeticis testantur.


Cum morbis aliis non febrilibus, e. g. *cum venereo*, ob methodum medendi, primas vias deicientem ; ob cubile Ægris repletum &c. indeque febris *venerea biliosa* describitur.

Cum subpurationibus, uti post operationes chirurgicas in nosocomiis.

Cum chlorosi.

Cum vulneribus.

Cum



Cum phthisi, quæ pejor a saburra red-
ditur. Angli in tali casu ipecacuanham cum
levamine dedere: res profecto delicatissima.

Symptomata. Manifestæ exacerbatio-
nes, remissiones. Latenter incipit cum hor-
ripilatione vaga, vesperi aucta. Noctes an-
te morbum inquietæ, cum sudore, dein hor-
ror major, calor urens. Cephalalgia, ocu-
li flavescentes, facies ad genas rubra, ad
labia flavesceus. Lingua alba, flava, hirta
quasi, sordida est. Os Quibusdam ficcum;
Quibusdam labia ficca. Gustus alienus, ama-
ror, acor rodens. Frigidorum, acidorum
amor; levamen cephalalgiae & caloris ab æ-
re frigido. Quibusdam adfluxus salivæ in-
sapidæ, copiosæ. Ructus amari, acerbi,
acidi, rancidi, putridi. Vomituritio ina-
nis, aut bilioso-æru ginosa. Præcordia ple-
na, elata; sensus ponderis, repletionis, in-
farctus; anxietas; difficilis respiratio; in-
quietudo; jactatio. Urina crocea; aut post
exacerbationem jumentosa, lateritia; non-
nunquam stranguriosa. Alvus aut parca, aut
nulla; Quibusdam frequens, sed parca, oli-
dissima, putrida. Sudores olentes, aqua-
rum putridarum instar. Pulsus celer; eo
mollior, quo pondus in præcordiis majus.
Sanguis aut nullam habet crustam, aut fla-

vescentem, plumbeam; serum viride, flaves-
cens. Mens durante exacerbatione turbata;
universim in biliosis plus turbatur, quam in
inflammatoriis. Dolor artuum, lumborum.

Exitus. Terminatur *evacuatione*. Vo-
mitu, diarrhæa, cholera; spontaneis, le-
vantibus.

Benigna resolutione, materia pauca,
non acri, potu apto enervata.


Metastasi. Ad *caput*, apoplexias,
phrenitides inde lethales vidimus; ad *ocu-
los*, cataractas, amauroses subitaneas; ad
glandulas parotides, bubones; ad *cutim*,
erysipelas, petechias, miliaria; ad *pulmo-
nes*, peripneumonias, pleuritides.

In malignam inflammatoriam, si corti-
ce peruviano, camphora, vino, vesicanti-
bus tractata fuerit.

In malignam putridam, si venæsect., an-
tiphlogisticis eam sumus adgressi; his enim
vires debilitantur, saburra resorbetur: aut,
si salutare emeticum indicatum neglectum
est, & purgantia exhibita fuere, quibus ma-
teries longo tractu intestinorum circumducta,
resorpta est.

In nervosam lentam, ab summa debili-
tate, emeticis frequentioribus, aut nimia
sanguinis *evacuatione*, inducta.

In



In cacochymiam chronicam biliosam.

In sanitatem apta medela.

Cura. Fomes potu aquoso, mellito, saponaceo, acescente, salino solvendus est; dein apto remedio, apta via, apto tempore evacuandus.

Solventia raro ultra 24 horas exhibentur, dein *evacuans*, & quidem

A. Emeticum; nulla inflammatione gravi præsentē, præmissis solventibus; nisi ipse Æger materiam mobilem turgentem sentiat, & vomitus spontanei levantes adsint: materia sursum turgente; quod non omnis lingua impura, sed simul sapor depravatus, gravatus ventriculus, cardialgia, nausea, ructus, anxietas, vertigo, salivæ scaturigo insolita, docebunt. In robustis plethoricis venæsectio præmittenda. Post exacerbationem emeticum dandum, quia hæc sudoribus finitur multum ex materia morbosa eliminantibus, quos emeticum promovet.

Doses emeticorum. Debilioribus Infantibus ipecacuanha aut sola, aut cum oxymelle squillitico; Robustiores emeto-catharticum ex ipecacuanha & tartaro emetico. Qui difficilius vomunt, & mente laborant, illis solus tartarus emeticus majori dosi erit exhibendus. Vidimus hunc commode in
phre.

phrenitide biliosa ad 5, 6, 7 gr. pro dosi exhibitum. Minor emetici dosis vicem remedii alterantis, calefacientis subit. In nosocomio practico Adultis pro dosi ipecacuanhæ ℥ij. tart. emet. gr. j. exhibentur. Non statim ab emetico adsumto aquosa ingerenda sunt; vis enim ejus enervabitur, aut in purgans convertetur; tum & melius aqua tepida, quam thea aromatica, aut juscula carnium, potantur.

Unum emeticum sufficit, initio morbi, corpore præparato, febris insigniter post hoc mitigata: constans est observatio, Viros rarius repetita emesi indigere; rarius Juniores robustiores; rarius & Sanissimos antea. In his præmissa venæsect., solventibus, nostrum emeto - catharticum gravissimas biliosas febres illico jugulavit. Restans levis amaror aut febricula, nec etiam restantes linguæ sordes, quæ sæpe ad plenam usque Ægri sanitatem observantur, & a repetito emetico adeo non tolluntur; quin potius augeantur, non indicat emeticum: curantur solventibus, eccoproticis, amaris. Sufficiet quoque unum emeticum febris acutiori, elatiori & paroxysmo majori.

Repetita emesi opus est, ubi Æger femina, quæ florem ætatis superavit; si febris
non

non repente sed latenter, multis septimanis ante, Ægram adgressa fuit; si materies non sit bilis viridis, æruginosa, sed mucus biliosus, tenax, in fila ductilis. Si frequentior emesis requiratur, non omni die repetatur, sed intercalares dies intercedant, quibus corpus & materies ad emesim disponi possint.


Contraindicant emeticum. Ætas tenera juxta Aliquos. Sed nulla ætas facilius hoc fert, quam tenera: nonne sæpissime, facillime sponte vomunt? Possumus & debemus Infantibus emetica dare. Graviditas æque non prohibet, si ejus necessitas summa & indicatio vitalis urgeat: nonne Gravidæ sæpe vomunt sponte? Suadent gravissimi Auctores usum emetici in Gravidis, febre biliosa valde accensa: materia sursum turgente ad abortum præcavendum: major enim metus est abortus futuri, saburra relicta, febris magis accensa, aut plane putrida reddita. Idem de Puerperis menstruantibus notamus; dandum his erit necessitate urgente, quia a febre liberat. Hernia non semper contraindicat emeticum, ea tamen cum cautela, ut brachierio firmentur prius. Phthisis, datur species phthiseos, ubi Angli emeticum dedêre. Hæmoptoë; dantur hæmorrhagiæ biliosæ, quas emeticum curat, reliquæ omnes hæmorrha-

morrhagiarum species emeticum contraindicant. Diarrhæa spontanea, saburralis, pro-
vecta, emetico augetur, quia in purgans
convertitur; si tamen indicatum sit, tum
prius ingeratur potus acefcens, absque fale
& melle, ut hoc alvus subflaminetur, dein
emeticum. Rarius licebit opio prius alvum
fistere.

B. *Purgans*. Materie deorsum turgente,
in infimo ventre fita, sponte inferiora
petente, per diarrhæam levantem, borbo-
rygmis præsentibus. Non tamen jalapa,
scammoneo aut eorum resinis purgabis; sed
purgante mannato, cassiato, tamarindinato,
salino-medio.

(*) Frequentes febres biliosæ purgantibus exacer-
bantur, convertunturque in putridas; ra-
tio fuit, quia materia sursum turgebat, &
emetico ejici debuisset, purgante vero cir-
cumducta, resorpta ut plurimum fuit. Inde
factum, ut BALLONIUS sexies purgaverit,
nihilque id juverit, unum vero emeticum au-
xilium adtulerit.

C. *Cura confirmatoria* in Biliosis nun-
quam negligenda est; perficitur amaris, sto-
machicis, vino.



III. FEBRIS PITUITOSA.

Synonymia : *Lenta* ob tardum decursum ; *pituitosa* ob causam præbentem pituitam. *Nervosa* ob adfectos nervos. *Febris chlorotica* , *leukophlegmatica* , *verminosa* , ob nidum vermium pituitosum : ni intestina rosione inflammata sint.

Causæ : lentor humorum pituitosus, mucosus, in primis & secundis viis sedem habens ; & omnes causæ leukophlegmatix.

Symptomata, quibus ab aliis febribus differt : calor minor ; pulsus debilior, tardior naturali ; aut ad hunc proxime accedens ; progressus tardior ; ad multas sæpe septimanas producitur, sæpe centesimum diem superat. Typus continuus sine exacerbationibus. Lingua ad sensum pura, glabra tamen ; & mucos ductili, tenaci, obsita ; dentes sordidi, mucosi ; sopor, delirium taciturnum, placidum ; somnolentia summa, tranquillitas animi, adiphoria stupida.

Exitus : Solvitur vomitu spontaneo, pauco ; morbo declinante orto ; miliaribus albis, sudoribus &c.

Prognosis ; periculiosior quam inflammatoria & biliosa est, ob adfectos nervos,
vires

vires vitæ dejectas. Bonus eventus prædicitur, si, provecta jam, non in pejus ruat.

Cura ; Diverſa eſt ratione complicatio-
nis & pituitæ primarum viarum. Totum in
eo conſiſtere videtur, ut in provecta vires
vitæ auctæ ſerventur. Initio ſolventia, ſa-
ponacea, e vegetabili regno inprimis petita ;
dein, abſente inflammatione, remedia alte-
rantia, reſolventia, ſubemetica dentur. Prin-
ceps remedium ſunt flores arnicæ. Præterea
ſpiritus volatiles, radices ſtimulantes, inci-
dentes, ſalia ſemivolatilia, veſicantia, cam-
phora &c.

(*) His omnibus enarratis toto cœlo a prioribus
& ſubſequentibus cardinalibus differt : ergo
eſt febris ſui generis ſpecifica, conſequenter
cardinalis.

FEERIS PUTRIDA.

Synonymia. *Synochus putris.* *Conti-
nua putrida.* *Febris nova.* SYDENHAMI.
Febris ardens, cauſos HIPPOCRATIS : *je-
bris meſenterica* BAGLIVII &c.

Definitio vix ulla dari poteſt ; quia
ſymptomata vaga habet ; quia non ſui gene-



ris specificum typum habet, sed diversa plurimum, aut minimum varie modificata; quia demum essentiam ejus ignoramus.

Aliqui *putredinem* adsumunt *perfectam*, qua animalia destruantur, hinc totius dissolutionem; seu ut causam, seu ut effectum.

Alii *incipientem* tantum *putredinem*; sed hanc putredinem, vivente corpore, adesse, vix demonstratur.

Alii *sanguinem dissolutum* credunt; sed experimenta *Cel. HAENII* contrarium demonstrare videbantur.

Alii *fomitem putridum in abdomine hærentem*; sed dantur febres putridæ absque saburra manifesta.

Alii *fomitem putridum in sanguine*.

Alii *alcalescentiam* dicunt *humorum*, seu *extricationem salium*.

Est ergo degeneratio non explicanda sanguinis, innominata; diversissima ab invicem in diversis putridis, aut varie modificatis.

Diversitatem, aut diversam modificationem, febrium putridarum inter se probamus ex diversissimis methodis curandi, feliciter adhibitis. Alii ven. sect. methodo antiphlogistica, Alii emeticis purgantibus, Alii cortice peruviano, Alii camphora, serpentaria, arnica,

arnica, vesicantibus, Alii acidorum mineralium largissimis dosibus, putridas curarunt. Quomodo jam hæc diversæ indicationes, hæc diversa medicamina sibi obposita, in una eademque specifica feбри locum habuissent; & quis tamen audebit, felicitatem curæ *Cel. HAENII, SYDENHAMI, HUXHAMI, TISSOTI, GRANTII* Aliorumque diversissimæ, negare? Quivis horum aliam febrim putridam curandam habuit, indole aut modificatione diversam, nomine eandem; quam sua methodo sanavit. Nullum ergo dabitur remedium specificum, cuique feбри putridæ adaptandum.

Divisio. 1ma a loco. Nautica, nosocomialis, carcerum; flava Americanorum; Hungarica. Hæc divisio non est practica, locus enim Medicum in sanando non diriget, sed natura febris.

2da *ab exanthemate* vel præsentē vel absente. Hinc petechialis, vel Veterum petechifans. Miliaris, scarlatinosa, variolosa putrida, erysipelatosā &c.

3tia *a loco simul adfecto*; hinc angina, pleuritis, peripneumonia, dysenteria, malignæ putridæ.

4ta *Practica* Medicum dirigere valens, *a complicatione.* Complicatur putrida cum

inflammatione e. g. hyeme, fero autumnno, calido regimine adhibito, in Plethoricis, Robustis; hæcque erit *putrida inflammatoria*; cum saburra primarum viarum, eritque *putrida saburralis*, quam SYDENHAMUS sub *febris novæ* titulo descripsit. Si saburra sit bilis acris, erit *putrida biliosa*; cum variolis a pure resorpto, erit *variolosa putrida*; cum morbillis æstivalibus, est *putrida morbillosa*; cum pituita erit *putrida lenta*; cum vulneribus est *putrida Vulneratorum*.

Causæ: morbi prægressi febriles cardinales, biliosi gastrici maxime; vel calidis aut venæsectionibus nimis male tractati, vel tempore reconvalescentiæ in diæta peccato commisso; longa cura antivenerea, mercurialis; moeror diuturnus, frequens iracundia, turbans systema biliferum & gastricum; æstuosum, calidum clima; vapores aquarum stagnantium: inde loca quædam Italiæ aliarumque regionum variarum, uti optime exposuit *Cel. LIND*, funeribus ex febre putrida multis notantur, atmosphæra carcerum, cryptarum, nosocomiorum, templorum, in quibus recondita multa cadavera: inde Reconvalescentes ex putridis, Irritabiles nimium, atmosphæram templorum non ferunt. Alimenta mere carnea, imprimis ex carnibus non
recen-

recentibus, sed semiputridis ; diæta parca, male sana, insolita, e. g. in urbibus obsessis, &c.

Signa, symptomata ; diversa sunt in diverse modificatis putridis. Quædam tamen habentur communiora : ut sunt lassitudo in solidis ; humorum circulantium tenuitas plerumque, non tamen semper. Pleræque pro causa effluvia putrida agnoscunt, circa quæ inprimis legendus *Inl. PRINGLE*. Fuscè circa causam hanc nuperrime egit *Cl. Prælect. Haenianarum* EDITOR in *Commentariorum physico-medlicorum, germanica lingua* editorum, *P. I.*

Omnes fere sanguinem aut crusta rosea tectum, aut nihil vitiosi adspectu habentem ; subinde diffluentem, non coagulatum, crusta plumbea obductum, præ se ferunt. Serum viride, rubellum, loturæ carniū simile, cæruleum. Pleræque linguæ aridæ, crusta nigrescente obductæ. Linguæ ariditas ob morbum ipsum hic intelligitur ; non ea, quæ post somnum ore aperto oritur. Calor intolerabilis, mordax ad adtactum. Excretiones alvinæ olidissimæ ; pulsus celer, mollis ; vires dejectæ : in provectis hæmorrhagiæ variæ ; sæpe petechiæ ; stupor ; tremores ; oculorum squallor pulverulentus ; for-



des dentium, labiorum, oris totius; & facies peculiaris, non describenda.

Duratio incerta est, nullo dierum numero adligata; 17, 20 & ultra dies durat, nonnunquam & per plures septimanas, nervis insigniter adfectis, excurrit, & in lentam nervosam abit.

Prognosis. Universim in hac febre difficilis est. Bene ominandum, si, cæteris bonis, nulla alia topica adfectio, in abdomine, thorace, &c. dolor cito evanescens, non fixus, alias loco dolente inflammatio fiet, & gangræna.

Exitus boni sunt:

Lenis diarrhæa, sudoribus levantibus juncta, & capitis functionibus restitutis.

Urinæ turbata, jumentosæ, hypostaticæ, cum levamine febris, æquabili diapnoë, emendatione linguæ.

Salivatio: quæ non raro his, qui in melius vergunt, contingit; junguntur huic diarrhæa, & urinæ criticæ, sudores: omniaque simul conspirando Ægros levant.

Purulenta collectio: in loco non vitali; modo huic exitus paretur, ne resorbeatur, vel magnam plagam destruat.

Amant hæ metastases glandulas parotides, sed hæc persæpe mala est; vidimus in
apo-

apoplexias abiisse &c. Miliaribus albis, rubris solvuntur; potius sudoribus cum his conjunctis, tum aliis efflorescentiis circa os, aures natis, similibus febrium intermittentium. Surditas pro bono habetur signo in progressu morbi; non tamen sola, sed juncta aliis bonis signis. Mutatio coloris lividi petechiarum in meliorem: petechiæ vix unquam criticæ sunt, dum nihil materiæ morbosæ e corpore educant.

Sanguinis fluxus per nares, pulmones, hæmorrhoides &c.; hujus evacuatio nil habet critici.

Signa eventum malum prænuntiantia: diarrhæa valida, morbo provecto vires convellens, cum meteorismo gangrænofo. Datur enim & saburralis, aut ex urina retenta; non semper lethalis. Hæmorrhagia vesicæ, pulmonum, narium, morbo provecto; hæmorrhagiæ internæ; vibices, maculæ lividæ; deglutitio impossibilis, quin in faucibus aliquid adpareat; oculorum inflammatorius rubor, serius accedens, solutos enim humores indicat; in initio sæpe adest non tam mali ominis: aphtæ serius accedentes, coloris cinerei, cum singultu, & diarrhæa; gangrænosæ enim tum sunt; initio difficilem morbum notant, non tamen lethalem: uri-

na cum sedimento fuliginoso , ac si cruor adefset : odor cadaverosus aliquot diebus ante mortem, semper nobis lethum futurum dictavit. Lethale quoque signum est, locorum leviter pressorum facilis gangrænescentia. Sic a decubitu, ab ligaturis fugillationes, vibices, gangrænas lethales semper observavimus. Mala quoque indicia præbent, nervi valde adfecti, delirium increescens, coma, apoplexia, subsultus tendinum. Nihilominus jam his præsentibus quidam ex Ægris nostris convaluere. Linguae impossibilis aut difficillima exsertio mala est. Respiratio cita, anhelosa, periculosa : frigus marmoreum, sudores frigidi, viscidi, sensuum deperditio, progressu morbi surditate excepta ; decubitus supinus, oculorum pulverulenta squalliditas, mala sunt. Conniventia oculorum in somno & vigiliis, ni a consuetudine, (quod ab Adstantibus, Marito, Uxore, quærat Medicus, ne malam abs ratione formet prognosin,) aut radiis lucidis incidentibus proveniat, damnatur.

Methodus medendi : nulla est universalis : reducitur ad quatuor classes :

1ma *Evacuans*, ope Emeleos, purgantis emeto-cathartici, eccoproticorum ;

2da *Antiseptica*, ope corticis peruviani, arnicæ, acidorum mineralium, ac vegetabilium, nonnunquam mineralibus ipsis præferendorum ;

3tia *Calefaciens sudorifera* , ope vesicantium, vini, serpentariæ virginianæ, angelicæ, camphoræ, spiritus cornu cervi aliorumque volatilium ;

4ta *Composita* , ubi , vel pro rerum indigentia modo ad hanc modo ad illam refugimus ; vel, ubi ex ignorantia quadrata rotundis miscentur.

Regulæ practicæ: In omni putrida , in omni maligna indicatio huc redit : febris ne langueat , non tamen exorbitet. Nulla excretio nimia sit, nulla subsistat. Methodus antiphlogistica, venæsect. frequentiores non conveniunt, nisi fors initio ad unc. V. ; exceptionem adfert Æger robustus, autumnus, ver præsens, aut topica dolorifica partis adfectio. Nonnunquam ipsa febris putrida vehementior phlogosin inducet, tumque necesse est, sanguinis quid educere : sed universim determinare venæsectionis necessitatem in putridis, difficillimum est, & nonnisi crebriori observatione, ad lectos Ægrorum addiscitur. Pleræque putridæ sunt saburrales. Determinandum ergo erit, an evacuandum sit,

fit, & qua via. Exhaustum morbo ipso longiori, aut venæsect. male institutis, non evacuabis facile : hic enim nullam, neque prævæ materiei, evacuationem, absque summa jactura virium, feret. Unde vino, arnica, cort. peruv., camph., serpent reliquisque cardiacis prius refectum vel pedetentim alvo, aut vomitu, spontaneis, materies morbosa deferet, vel facilior evacuatio reddetur artis ope. Qua id via præstandum sit, de febribus biliosis dictum. Viis purgatis primis, examinabimus, an vires vitæ, an febris, depressæ, languidæ; pulsus tenuis, celer, mollis, sint; an morbus longus, evacuationes validæ factæ fuerint : vel an febris elatâ, ætas florens ? An corpus firmum, victus lautus, vinosus ; an nullæ excretiones profusæ, an nullæ langueant, & quæ ? Ex hoc examine indicationes & remedia eruemus.

Corticem peruvianum dabimus, ubi solida debilia laxa, in febribus putridis longis, Feminarum, Virorum, quacunque ratione debilitatorum ; in putridis post evacuationes sanguineas, emeses, purgationes, multas factas ; in putridis, ubi sugillationes, vibices, efflorescentiæ, simulque vires depressæ sunt. In putridis larvatis, febris remittente

tente notabiliter, cum periculoso symptoma-
te larvato juncto, apoplectico, phrenitico.


Arnicae radicem exhibebimus, in putri-
dis æstivis, ubi diarrhæa vires convellens;
ubi quæcunque nimix aliæ evacuationes;
ubi inertia primarum viarum; ubi putridæ
ex biliosis factæ fuerint; ubi putridæ cum
largis subpurationibus.

Camphoram, ubi vires vitæ dejectæ,
magna putredo, pulsus tenues, celerrimi.
Eodem in casu dare convenit serpentariam
virginianam, angelicam, imperatoriam, vi-
num, vel aliud aroma. Hæc eadem in ma-
lignis putridis, in putridis Feminarum &
æstivis.

Idem de *vesicantibus* tenendum.

Salium usus in saburralibus putridis in-
itio tantum moderatus convenit: in progres-
sis nocet. Verbo: ubi camphora, cortex,
arnica, vinosa indicantur, ibi salium usus
contraindicatur; adtenuant enim, laxitatem-
que augment. Volatilium salium loco in hoc
casu, scopo cardiaco, alia commodiora ha-
bemus. Potus acefcens, saponaceus, emol-
liens, adjecto spiritu vitrioli, egregius erit,
ubi vires elatæ exorbitantes sunt.

Usus *mellis* in putridis ne sit diuturnus.
Oxymel initio in saburralibus putridis conve-
nit.



nit. Seponi debet, si diarrhæa immineat ab laxitate; si vires debiliores fiant, potius tum danda oxyfacchara ex acidis mineralibus.

Aër purus frigidiusculus mirum in modum in putridis reficit, vimque habet antisepticam; mensura hujus sit, gratus Ægrifensus, non thermometron. Mentem restituit sæpe His, qui ad nosocomium deportantur, antea delirantes; Iis etiam, qui, cubilibus Ægrorum inclusi, delirio denuo adficiebantur. Inde explicatur, quod febres putridæ nosocomiorum, carcerum, &c. multo graviores sint ob aërem animalium halitibus inprægnatum. Exceptionem omnem excludentes instantiæ apud *Cel. PRINGLE, MONRO, ZIMMERMANN, EDITOREM Pathologiæ Haenianæ* &c. occurrunt.

Munditiei, siccitati lecti & indusiorum studendum est, alias decubitus gangrænosus.

Frequenter Ægri in putridis e lecto eximantur, aut in lecto erecti sedeant. Tepor lecti putredinem fovet; decubitus continuus caput hebes reddit.

Motus per cubiculum institutus Ægrorum excretiones expedit, maxime urinarum. Non fidendum spontaneæ excretioni urinarum. Repleta, distenta nimium vesica guttatim stillant, non tamen penitus evacuantur;
hy-

hypogastrium inde erit examinandum, catheter adplicandus.

Æger a somno arceatur, docente TISSOTO: non vero de somno nocturno, sed de somnolentia diurna hic loquor, febrim graviolem & caput hebes reddente. Male ergo in civitate strepitus omnes vitantur circa domum Ægri, putrida laborantis; opiata eadem ex causa vitanda sunt, nisi alia urgens indicatio ea postulet.

Quotidie Ægri respiratio examinetur, an bona, absque tussi, dolore. Deinde præcordia, an doleant, an elata, an meteorismus? Lethalis erit putrida: ubi serius adfectio thoracis, obpressio, respiratio cita, dolor peripneumonicus oriuntur. Lethalis item meteorismus enteriticus, gangrænosus. Urinæ parvæ, cruentæ, fuliginosæ, stranguriosæ, prognosin malam faciunt. Alvus nunquam negligi debet. Inmorigera enemate sollicitetur, non purgante.

Potus frigidiusculus in æstivis absque complicatione & adfectione topica conducit. Lacte ebutyrato frigido solo rustici sæpe suas putridas curarunt. Potus omni tempore copiosus sumendus est, præter hunc medicamenta potulenta certo tempore; non Ægrorum arbitrio committenda.

Ca-



Casus sæpe dubii occurrunt, cum indicatione latente, ubi causa Medicum latet, aut is minus exercitatus est. Hic attendendum, an vires erigi, aut deprimi debeant? Aptæ vehicula, decocta grata, acidiuscula, aër liberior, abstinencia a carnibus, curam absolvunt. Heroica in tali caluanceps, periculosum essent medicamen; ut sunt: emeticum, purgans, vesicantia, venæsectio, camphora, cort. peruv., vinum: hæc omnia valide mutant, & certas requirunt indicationes.

In omni acuto, gravi, maligno morbo, imprimis mente Ægri vacillante, cavendum est a decubitu. Tædiosissima res est, si Æger a morbo convaleat, & ex decubitu pereat: hinc reponi frequenter in dorsum debet, latera, & ventrem. Lectus, indusia, munda, sicca sint; &, si partes quædam dolere, rubere incipiant, corroborandæ erunt spiritu vini, alumine, saccharo saturni, emplastris saturninis, pulvere ex camphora & creta &c. Cura maxima sit regionis ad os coccygis, & trochanteres. Decubitus jam factus, antisepticiis curatur, Ægro ventri incumbente, subpositis pulvinaribus circularibus, in medio excavatis.

FEBRIS MALIGNA.

Definitio incerta est. Non semper repente incipit; non semper citissime decurrit. Non una eademque est. Est major gradus, vel degeneratio in pejus, cardinalium februm: hinc, qua talis, inter *cardinales* consideratur.

Nomen suum *febres pituitosæ, biliosæ, putridæ*, verbo, *saburrales* deponunt, & *malignæ* nuncupantur, ubi venæsectionibus, solventibus, emeticis non levantur insigniter.

Monita practica in Malignis.

Urinæ profundi coloris, brunei, castanei, in malignis; item, qualium Ictericorum esse solent; nisi brevi dilutum flavum colorem induant, perquam malæ sunt.

Recidivas in malignis sæpe lethales vidimus.

Delirium e malignis Convalescentium, cortice, amaris, vino rubro, exemptione e lecto, tempore, curantur.

Prognosis malignarum etiam ex opificio petitur: sic Sutorum febres gravissimæ sunt.

Vomitio Convalescentium e malignis, a nimia remediorum, indicatorum alias, dosi, e. gr. dec. cort., vino, sæpe oriuntur.

In curanda maligna, præcipue lenta, nervosa, lente festinemus: neque tumultuarie agamus. Morbum in his non pejorem facere, jam proficere est; tumultuaria cura est, quæ sine firmis indicationibus, vesicantibus, venæsectionibus, stimulantibus, aliisque febrim inpugnat.

Alyus cruenta, meraca, sine dolore, copiosa, in malignis sæpe nobis occurrebat, & Ægri ferme omnes, eo nihilominus, curabantur.

Sputum cruentum in malignis, dummodo non sit copiosum, non fuit lethale. Erat hoc aliquoties nobis signum inflammationis incipientis, non autem dissolutionis, atque exiguis venæsectionibus, emollientibus, & reliqua cura antiphlogistica, curabatur.


FEBRIS PESTILENTIALIS.

Descriptio characteristica. Est febris plurimos invadens, citius enecans, reliquis febribus; exanthematibus, præprimis petechiis

chiis male coloratis, vibicibus, bubonibus, parotidibus, carbunculis stipata; juxta Plerosque contagiosa.

(*) CHENOTUS, Transylvanorum Loimiater, PARIS in ditionibus Turcicis diu antea degens, in libello *de febris pestilentiali* Parisiis præmio coronato, *Transactiones Anglicanæ*, hos pesti characteres adtribuunt.

(**) An non iidem characteres, excepto contagio, & hoc non apud Omnes excepto, febris putridæ malignæ communes sunt? *Exanthemata*, *petechias* omnis æstas putridis notata exhibuit. — *Bubones*, *parotides* nosocomia in putridis exhibuerunt. — *Carbunculos* epidemice grassantes externos cum levissima & graviore febre junctos, in cubilibus susceptioni Ægrorum destinatis, quos se Ægri carbunculis infecti cum leviori, aut nulla febre, deligationis causa ante biennium contulerant, cernebamus. Eodem tempore putridissimæ febres in civitate grassabantur, plurimæque mortes. Carbunculus internus à febris putrida in ventriculo natus & subita inde mors visa est. — Quid si epidemiæ putridis alioquin infami, terror ex publica cura Magistratus, commercium impeditum, annonæ caritas, accessissent?




Non paucae observationes apud CHENOTUM & *Clar.* MERTENS, pestis Moscoviticæ Historicum autoptam, tum in *descriptione Viennensis pestis anni 1711. 12. 13.* leguntur, ubi nonnunquam, nec carbunculi, nec bubones aderant, sed solum febris maligna.

(*) Quoad *contagium* multiplex viget sententia. Quidam pestem contagiosum specificum sui generis morbum statuunt: Quidam non specificum, sed putridum maxime malignum, contagiosum: Quidam putridum malignum, non contagiosum; sed epidemicum, putridum varie modificatum. Rationes ultimo loco Positorum sequentes sunt: 1mo. Certi anni, certæ anni partes sunt, quibus febris putrida varie modificatur; sic alius annus pulmones, alius superficiem corporis, petechiis aut erysipellate maligno, alius bubonibus, parotidibus, alius carbunculis Ægros adficit. 2do. Smyrnæ, ubi Turcæ plurimi ex peste pereunt, integræ familiæ Christianorum, iisdem ædibus degentes, sanæ, illæ sæ servatæ. Rationem petunt a vivendi consuetudine puriori, diæta cardiaca, antiseptica magis. Novimus sorditiem Turcarum, abstinentiam a vino, & similia antisepticorum, balnea frequentiora tepida,

pida, Veneris abufum, &c. quæ caufas morborum putridiffimorum præbere queunt. 3tio. Multi a peste omni peftis tempore, vel medios inter Ægrotos verfati, immunes manferunt. In Opere Cl. MERTENS exempla fimilia leguntur. Obfervatum etiam, peftim trucidaffe vix non omnes Urbis incolas, peperiffie omnibus in eadem degentibus Exteris. 4to. Eodem anni tempore peftis faviffime viget, quo morbi putridi maligni, æftate nempe. 5to. Vomitus fpontaneus, feu arte factus, diarrhæa, fudores, peftem levaffe, curaffe leguntur, idem autem fieri in putridis. 6to. Angelicam, serpentariam, vinum, acetum, camphoram, mofchum, corticem peruvianum, aliaque ftimulantia antifeptica, fcopo prophylactico & curativo ab omni ævo in pefte laudata fuiſſe; æque fumigia, ignem, incenſionem pulveris pyrii, luſtrationes aëris &c. ; hæc eadem ſuis ſub conditionibus convenire in putridis.

Certitudinem hæc non præbent: an tamen probabilitatem? Inoculatio, propoſita a Cel. WESZPREMI, in *tentamine de inoculanda peſte*, Lond. 1755., nos optime erudiret, uti contagium variolarum, morbillo-



rum, luis venereæ, luis bovillæ, inoculationis ope magis evolutum.

(*) Sententiæ de ipsis *rebus contagiosis* iterum variæ sunt. Quidam Ægrum solum, ejus halitus ac remotiorem atmosphæram contagiosos esse ajunt, neque Ægros accedunt. Quidam contactum solum contagiosum putant, audacter accedunt, pulsum plane non, aut chirothecis muniti, tangunt. Quidam Ægrum solum, non autem ejus cadaver, de contagio incusant. Quidam hos Ægros solos contagiosos esse adfirmant, in quorum cadavere carbunculi reperiuntur. Quidam contagium in contactu non Ægroti, sed rerum aliarum lanearum, pilosarum, non autem lignearum, fossilium quærun; unde factum esse existimo, res quasdam liberum in regiones nostras habere transitum, quasdam vero, & homines, multis diebus loco quodam destinato conmorari, balneari, fumigari, perflari, contactu sic dicti servi pestis explorari debere.

Objici quidem posset, imo. *Cel. MERTENS* in Russia pelles peste mortuorum bi-duo solum aëri libero expositas, ab Amicis indui, gestari, sine contagio vidisse. 2do. An quis auderet adfirmare, fumigia aliaque
ad-

adhiberi solita ad merces & homines purgandos, esse vera specifica pestis antidota? Quidam semel peste correptum, curatum inimmunem putarunt; legimus tamen exemplum hominis septies, & aliud novies, peste correpti.

An pestis unquam perfecte sanum prostravit? Sunt quidem exempla in foris publicis ambulantium, subito necatorum. An hos perfecte sanos esse constat? An non dissoluti humores hæmorrhagia interna effusi, aut carbunculus subito interne natus, fomite jam in corpore existente, aut apoplexia a quacunque demum causa orta, aliaque, lethum inopinum adducere poterant.

An non causæ, symptomata reliqua, complicationes, prognosis, cura, ex idea febris putridæ malignissimæ explicari possunt?

Ex complicatione pestis cum inflammatione explicari posse puto, cur quædam pestis venæsectione curata fuerit, uti & febres putridæ cum inflammatione complicatæ hac curantur.

FEBRIS MILIARIS.

Seu per eminentiam *puerperarum*, vel *alborum miliarium*, febris *vesicularis*, febris

petechialis, vel VETERUM *petechizans*, *) febris *scarlatinosa*, febris *erysipelatoſa*, *urticalis*, & *exanthematibus* quibusdam *anomalis* ſtipatæ febres; plerumque ad *bilioſas*, *pituitoſas*, quascunque *ſaburrales*, *putridas*, *malignas*, *peſtilentiales*, ſubinde *intermittentes*, pertinent. Ex idea harum explicari debent; eaſdem cauſas, complicationes, medelas agnoſcunt. Non ergo ſunt febres ſpecificæ, cardinales. Nonnunquam inflammatoriam ſibi jungunt, aut topicam inflammationem; tumque ad *inflammatorias*, aut ad *mixtas* pertinebunt.

(*) An hæc exanthemata *contagioſa* ſunt? Reſp.

De morbillis, variolis contagium conſtat, quia inoculari poſſunt: ſi cum reliquis inoculatio ſuccederet, eſſent æque talia.

(**) Dantur exanthemata *chronica*. Id probant petechiæ ſcorbuticæ.

(***) Non

*) An petechiæ ſemper periculofæ? an prognofis ob has ſemper anceps eſt? Vidimus innocentes, & non febriles. *Puncticulares* meliores, *latæ* peiores ſunt, & ſæpe lethales; non ut cauſa, ſed ut effectus.

(***) Non omnia exanthemata sunt *factitia*, ut aliqui Recentiorum adseruere. Vidimus enim talia in febribus sibi relictis, nullis medicamentis tentatis.

(****) Non semper sunt *critica*, neque semper *symptomatica*.


Reliquam exanthematum doctrinam Illustr. Præses L. Baro DE STOERCK, *illustr.* VAN SWIETEN, ALLIONI, HUXHAM, SALTZMANN, HAMILTON, MOLLINARI, DELIUS, & nuper Cl. PLENCK, aliive Cl. Viri uberius descripsere.

IV. FEBRIS VARIOLOSA.

A. Historia.

a. *Decursus*. Nonnunquam mitissimus, ita ut obambulando ægrotent. Alio tempore instar pestis strages edit. Calculus docuit, septimum quemvis Variolantium mori. Nonnunquam ita regulares sunt, ut de die in diem mutationes prædici possint, nonnunquam maxime anomalæ.

b. *Ætas*: Cl. HAHNIUS ingeniose affirmavit, HIPPOCRATI jam variolas sub no-



mine phlictenarum & anthracum notas fuisse. Sed WERLHOFIUS, SCHULTZE, antiquitatis investigatores optimi, eum solide refutarunt. Legi etiam meretur Cl. GRUNER libellus: *Variolarum antiquitates* &c.

c. *Natales variolarum.* Videntur primum migrasse ex Arabia in Ægyptum, indeque per reliquam oram Africæ in Europam pervenisse.

d. *Scriptores:* RHAZES primus Arabs, SYDENHAM, MORTON, FREIND, HUXHAM, TISSOT, ROSENSTEIN, HAEN, TRALLES, WAGLER, COTTUNNI, Ill. L. B. DE STOERCK, & qui nuperrime de illis scripsit, HOFFMANNUS.

B. Proprietates veneni variolosi.

a. Contagio propagatur, quod historia inoculationis docet. Sed corpore solum prædisposito: inde explicatur, quod nonnunquam epidemice, nonnunquam sporadice grassentur, corporibus nempe plus vel minus, vel plane non, dispositis.

b. Semel tantum eundem hominem variolæ maximam partem adficiunt; rarioribus tamen exemplis bis correptum constat; & FORESTUS in filio proprio bis variolas veras se vidisse narrat.


c. *Experimenta* HOFFMANNI docent, vim contagiosam habere *halitum* Variolantium tepidum, odorem sui generis habentem, inspiratum, deglutitum, cuti adplicatum; *Serum* etiam variolarum, quod primo vel secundo eruptionis die reperitur; & quia idem serum in pure & crusta continetur, etiam pus & crustas deciduas. Nullum vero habere contagium sanguinem, urinam, alvum Variolantium.

d. *Experimenta* HALLERI, COTTUNNII, qui in omni variolarum stadio cadavera Mortuorum secarunt, demonstrant, externam cutem variolis solum obsideri; internam nunquam, & variolis similia interne inventa, aut inæqualitates, aut hydatides, aut aphtas fuisse; respirationem, deglutitionem ineditam ab raptu humorum ad caput, aut inflammatione harum partium venire, non vero ab variolis internis.

e. In naturalibus maxima pars in capite, facie est. Causa in aëre libero adluente videtur, in trunco pauciores sunt. In infantiis maxima pars ad locum insitionis est. Vide COTTUNNIUM *de sedibus variolarum*.

f. *Copia variolarum* in Succulentis plenis, Infantibus, Fæminis major est, quam Siccis, Juvenibus, Adultis, Masculis.

g. *Plu.*



g. *Plures, periculosiores* pustulas æstas exhibet quam hyems ; æstate sibi jungunt biliosas putridas febres ; hyeme catarrhales, pectorales, inflammatorios, morbos.

C. Divisio morbi variolosi

1mo in febrim *variolosam sine eruptione*, quæ per poros, sudores, virus eliminat. SYDENHAMO descripta, non est hæc nostra ; fuit enim biliosa simplex regnante epidemia variolosa ;

2do *cum eruptione sine subpuratione* : rarissime quidem pustulæ benigne resolvuntur ;

3tio *cum eruptione & subpuratione*, ut plerumque fit ;

4to ratione *situs in discretas*, seu cum interstitiis, & *confluentes* ; quasi una variola totum corpus occuparet ; *cohærentes* sat arcte, marginibus suis tamen quodammodo distinctas ; *mixtas*, ubi pars corporis discretis, pars confluentibus, pars cohærentibus obfita est ;

5to ratione *figuræ*, sunt *consuetæ*, seu *rotundæ* ; *depressæ* cum superficie parva plana. *Siliquosæ*, *verucosæ*, *acuminatæ*.

6to ratione *humoris contenti* in *crystallinas*, *lymphaticas*, *sanguineas* ;

7mo ratione *coloris* in *plumbeas*,
fuscas, *nigras* ;

8vo ratione *complicatorum* aliorum
exanthematum ; in *simplices* , *complicatas*
cum *petechiis* , *erysipelate* ;

9no ratione *periculi* celebrata divisio
in *benignas* & *malignas*. *Malignæ* sunt po-
tissimum *confluentes* ; sæpe tamen *discretissi-
mæ* , *depressæ* ob vim vitæ debilem , in me-
dio *collapsæ* , *verucosæ* , *crystallinæ* , ob
acerrimam lympham contentam ; *sanguineæ* ,
ob *dissolutum cruorem* :

10mo ratione *typi* in *regulares* & *ano-
malas* ;

11mo *veras* & *spurias* , genus nempe
quoddam *phlictenarum* simile quodammodo
veris *variolis* datur.

D. Periodi seu decursus.

Regularium nobis in sex *stadia* dividitur ;

a) *INFECTIONIS* , quo *virus* , vel *con-
tagio* , vel *inoculatione* susceptum , corpus
oberrat ; *Æger* tamen *sanus* videtur ; com-
plectitur juxta *Alios* dies 7 , juxta *Alios* 11 ,
12. *Subin* & *multo brevius* est.

b) *FEBRILE* , *EBULLITIONIS* , *FE-
BRIS VARIOLOSA PRIMARIA* , *stadium*
pri-

primum variollarum nuncupatur , triduo durans, vel horis 72.

α) SYMPTOMATA stadii primi sunt: Dedolatio sine causa manifesta gravior, morositas, somnolentia peculiaris, frigor, horror, calor subsequens, recurrens; capitis, dorsi, lumborum præprimis dolor; cardialgia, vomituritio, vomitus, vel a pravis contentis in saburram mutatis, aut vi febris mutandis, emeticum indicantibus; aut, si spontaneus vomitus adsit, promovendis; vel ab irritatione nervorum ventriculi, ubi emeticum aut facilitatio vomitus periculosissima. Dolor ad scrobiculum cordis manus fugiens; in sudores propensio apud Adultos. Stupor quidam inter dormiendum; in Infantibus sæpe levis tendinum subsultus, convulsiones, immo invasiones epilepticæ: dentibus jam præsentibus, vel nullo adhuc dentitionis molimine: dentitio enim eadem præ se fert. SYDENHAM inde bonas variolas prædixit, sed observationes docent, & malas sequutas fuisse. Omnis convulsio, qua talis, periculosa est, apoplexiam, suffocationem, paralysem, strabismum, fatuitatem inducere potest. Ergo qua tales nunquam negligendæ sunt: his insultibus convulsivis præsentibus variolas

riolas intra octo horas prædicere plerumque potes. Facies tumidula, oculi lacrymantes, scintillantes; vespertina exacerbatio, sudore mitiganda. Fœtor peculiaris oris, & halitus corporis reliqui olidus. Prior ab ipso viru varioloso, sanguinem, pulmones oberrante; non indicat emeticum, neque est saburræ latitantis signum. Sternutatio, rubor cutis, scabrities, pruritus; artuum dolor rheumaticus; damnatur hic in primo & secundo stadio, quia pravum variolarum genus instare docet.

(*) Brevior sæpe hæc febris prima videtur quam revera est: sæpe Infantes primam, secundam ebullitionis diem facile ferunt, tertia incommoda patiuntur & eruptio fit: falso concluderes inde, una die tantum durasse, & falsè quoque semper inde malignas prædiceres; ob adsumtam abs fundamento anomaliam stadii.

β) CURA morbi, eumque stipantium symptomatum. Curæ totius facilitas ab hoc stadio dependet. Omnis consistit in justa febris sui generis, specificæ variolosæ primæ moderamine; quia specificum, non quidem impossibile, necdum detectum est.

Com.

Complications medela.

Fit imo enematibus : his cephalalgia, gravitas capitis, pigrities sanantur : in nullo morbo acuto negligenda hæc sunt.

2do *Venæsectio* in Juvenibus, Adultis, Robustis, Plenis, Succulentis, simul complicata inflammatoria, hyemali, pleuritica, peripneumonica, laborantibus. Quantitatem sanguinis detrahendi docebit ætas, corpus, anni tempus ; hyeme largius, æstate avara manu ; Arabes in excessu peccabant. Raro subitanea ad animi deliquium necessaria est, potius parca iterata.

3tio *Cardiacis* rarissime opus est, ut hæc febris excitetur ; Pueri rustici ferme sine omni febre obambulando variolas optime ferunt, hinc, etsi nulla febris adsit, bene tamen *Æger* se habeat, nil molliendum. At in malignis, ubi *Æger* ad speciem tantum febricitat, & reliqua pessima, summa virium prostratio ; urina, pulsus, calor, naturalia, aut vix recedentia ; tum cardiacis stimulantibus incitanda erit.

4to *Emetico*, ubi saburralis simul febris adest, ubi alii morbi, tunc regnantes, emetico obediunt ; intermittentes, biliosi, peripneumonix nothæ, diarrhææ, dysenterix ;
ubi

ubi incongrua adsumta. Optimus magister hic nobis SYDENHAMUS erit.

5to *Purgatione*, frequentissimo remedio; ubi materies aliena in intestinis hæret, seque borborygmis, colica, diarrhæa biliosa, manifestat. Draastica, resinosa, aloëtica, scammoniata, jalappinata, hic non conveniunt, sed eccoprotica. Non mercurialis, quam Aliqui præferunt, admittenda, nisi vermes, pituita adsit; non purgandum, ubi emesis indicatur.

6to *Ægroti* habitatio ampla sæpius perflata, lustrata, si ullibi, hic certo requiritur; suo enim specifico foetore aer inquinatur.

7mo *Ær* liber frigidiusculus optimum variolarum antidotum est. Si delirium, convulsiones, febris increcant, Inoculati aëri libero exponantur, & effectum miro instantaneo levantur; uti convincenti maxime exemplo *Inl. L. B. de STÖRCK* evicit. Evictum est observationibus, dies caniculares, calores universim æstivos, vim infelicem habere in variolas; eandem habebit cubile clausum calidum. Mensura frigoris sit Ægri sensatio grata, non Medici. Nulla tamen inflammatio topica valida adsit, dum frigori exponuntur.

8vo *De potu* frigidiore idem notamus. Arabes glaciale potarunt, plebeji idem sæpe feliciter faciunt; mire frigus arcet putredinem. Alii acida, nitrum, scopo refrigerante exhibent, hæc eatenus fors refrigerant, quatenus ipsa frigida adsumuntur.

9no *Mutatione* regiminis sub eruptione. Circa finem primæ variolosæ febris sudor prorumpit cum rudimentis pustularum, punctorum nitidorum, rubellorum, rotundorum instar; in facie primo prope nasum, labia superiora, tum in reliqua facie, brachiis, collo, thorace &c. his expulsis symptomata componuntur; (de regularibus loquor,) maxime nervorum motus & febris: in benignis plena adest apyrexia; sudoribus continuatis in abdomine, lateribus, thorace, dorso, pedibus, nonnunquam in capillata capitis parte, aut plantis pedum; ubi ob integumentorum duritiem dolent inflammanturque.

γ) *NATURA* hujus febris est sui generis. Aliqui, qui videbant hanc antiphlogisticis cedere, inflammatoriam adpellarunt. Alii hanc alviductione & emesi mitigarunt, & inde putridam adpellarunt.

Ab inflammatoria autem differt :

Crisi : habet abscessus multos superficialles, non resolvendos, sed subpurandos :

Duratione : regularis triduo terminatur. Inflammatoria per 4, 7, 14 &c. dies durat, & notum est, chronicas dari inflammationes. Accedit tamen ad inflammatoriam ; excedentem enim mitigat methodus antiphlogistica ; quamquam non specificè tollat, ut cortex peruvianus intermittentem.

c) *ERUPTIONIS*, seu *criseos*, seu *metastaseos ad cutim*.

α. Symptomata : primis eruptionis horis plagulæ rubræ, quasi totidem morsus pulei, adparent, cum levi cutis asperitate. Hæc, variolas adesse, necdum determinant, nisi fors epidemia præsens, conversatio inter Variolantes & subjectum nondum variolas passum. Altera eruptionis die diagnosi fit ex maculis rubellis modice elevatis, in medio punctum albicans nitidum, splendens, quasi sphærule rotunda, adscendens, sensim sensimque grandescens, habentibus. Jam diximus, pustulis omnibus prostantibus febrim dissilari in regularibus ; si ergo secunda die accendatur, aut redeat, nova eruptio fit, sub novis sudoribus.



β. *Duratio* per triduum a prima die eruptionis vel a prima febris variolosæ primæ ad sextam usque.

γ. In *cura* hujus stadii duæ epochæ observandæ sunt.

Paullo ante eruptionem quies, lectus, cubile commendatur. Etiam si toto febris variolosæ primæ tempore aëre libero usi fuerint. Calidum regimen averlandum est, sed frigidum non minus, quod sudores valeret subprimere. Infantibus, Fæminis irritabilibus proderit ante eruptionem paucillum opii dare, sopit spasmos, sudores & eruptionem promovet.

Durante eruptione regimen quasi medium observandum, nihil alieni adsumat. Proderit cubile, aut saltem paucis melioribus diei horis foris obambulare.


d. Absoluta plena eruptione, *maturationis*, seu *coctionis*, seu *subpurationis* stadium sequitur. Hæc enim est natura pustularum, ut non, aut paucae, benigne resolvantur, plures subpurentur.

a. *Symptomata*. Oritur sexta die, a febre variolosa prima computando, aut ab initio undecima. Pustulæ nempe faciei majores, pleniores, rotundiores, in apicibus magis flavescentes fiunt, limbo rubro ambiuntur,

untur, qui semper latior fit. Ambitus, limbus, in confertioribus omne ferme interstitium replet, & inflammatur. Eodem ordine hæc procedunt, quo eruptio. Tumor primo faciei, colli dein & brachiorum, facie jam detumescente.

Tum ad symptomatum horum syndromen referenda *Febris nova exsurgens* a prima variolosa diversa, inflammatoriæ indolis, crustam phlogisticam habens; verbotalis, qualis omnis est, quæ inflammationes in subpurationes coquit. Octava die exardescit. Causam hujus diversam statuunt; Plerique a perspirabili subpresso, per pustulas & inflammata cutem. Alii pus resorptum, sanguinem oberrans, adculant. Sed cute necdum inflammata, pure nullo parato, jam adest. Alii ab ipsa inflammatione cutis. Sufficit, eam ipsam esse, quæ inflammationes in pus coquit, quamque penes omnem inflammationem observamus.

Symptomata hujus febris communia magis, sunt cum omni inflammatione analogæ. Peculiaria vero: Adfectiones encephali, delirium, sopor, convulsiones, apoplexiæ, phrenitides, ophthalmiæ, ptyalismus Adultorum, angina. Hæc omnia vel ab ipsa febris intensiori, vel ab irritatione, inflamma-



tione faciei : hinc humores omnes versus caput ruunt inpetuosius. Hinc monstrosus quasi, emphysematicus faciei tumor, palpebræ clausæ. Interstitia enim inflammata vices vesicantis subeunt. Olim credebant, sub cute inflammata pus variolosum haberi : sed cadaverum sectiones nihil purulenti sub cute monstrarunt. Ophthalmia sæpe alia in hoc stadio adest, a variolis bulbi aut palpebrarum internis : quasi ab acri collyrio inflammante. Ptyalismus alius a variolis fauces obsidentibus, irritantibus. Diarrhæa Infantum, quia multo irritabiliore sunt, & non solum glandulæ faucium in his irritantur, sed & oesophagi, ventriculi, intestinorum : pleuritis, peripneumonia levior.

Variolæ malignæ, & differentia febris malignæ subpuratoriæ ab subpuratoria priori. Æstate, autumno grassantur. Prima statim aut secunda die febris primariæ erumpunt : nonnunquam malignæ maxime post triduum, die 5. 6. 7., ita ut ad plures dies hoc stadium extendant, nullo eruptionis ordine servato ; sed confertim, tumultuarie ; prius in brachio, pedibus, dein facie &c. Gravissimus artuum dolor, lancinans, rheumaticus. Febris, prima eruptione facta, aut persistit, aut intenditur.

Figura

Figura differunt: exiguæ sunt, complanatæ, non acuminatæ, ambitus irregularis, angularis. Confluunt, ac si erysipelas bullatum adestet; vesicam exhibent amplissimam. Intropressæ, subsidentes sunt, in medio punctum obscurum habent, albæ, lividæ, fuscæ, sanguineæ, nigræ; nonnunquam vacuæ sunt, nonnunquam sanguine putrido repletæ, nonnunquam lymphâ pellucidissima; nonnunquam virescunt, quasi ecchymoticæ, uti cadavera post aliquot dies.

Secundaria febris subito increscit, affectiones periculosas, complicationes varias secum jungit, putridas, malignas &c.

Contingit, ut variolæ laute Pastos adgrediantur, febrili suo motu contenta ventriculi putrefaciant; vel dum corpus antea biliosa putrida aut alia saburra laboravit, a variolis in actum deducta: inde ratio, quod variolæ pessimæ sint, dum morbi putridi grassantur, aut humores antea acres, venerei, scorbutici, scabiosi; systema nerveum valde irritabile; pituita; vermes; graviditas; puerperium, adsunt; ubi febrim lacteam aut puerperalem variolæ secum jungunt, abortus iisdem, ut puerperium, obnoxius.

Catamenia prima, quia tum status quidam febrilis & mutatio corporis; menstrua-

tio omnis, quia hæc raro sine incommodis; chlorosis, cacoehymia quæcunque, malum augent in febris secundaria.

Quemadmodum omnis inflammatio in his corporibus malum exitum sortitur: sic & variolæ plerumque in gangrænam abeunt. Hinc & alia symptomata eveniunt, sequentia: phrenitis pessima; convulsiones lethales; Adultis ptyalismus suffocans, Infantibus diarrhæa colliquans; angina membranacea, seu suffocativa, quam Veteres a variolis asperæ arteriæ aut pulmonum repetebant. Recentiores in cadaveribus horum, aut validissimam inflammationem aut pseudo-membranam a sero phlogistico transudante invenerunt; quæ Ægros repente suffocat, nisi raro eventu vomitus spontaneus sequatur. *Cl. MICHAELIS Junior* hanc optime descripsit.


Mali omnis pleuritis, peripneumonia validior; exanthemata alia, petechiæ, miliaria, erysipelas malignum, gangræna variolarum, & aliarum plagarum corporis; hæmorrhagia uteri, vesicæ. Mictus cruentus maxime damnatur, si non a plethora aut orgasmo proveniat; cruorem enim dissolutum indicabit: diarrhæa putrida colliquativa; metastases purulentæ; pessimæ sunt ad caput; parotides, pulmones.

Quoad

Quoad eventum. Variolæ malignæ non tantum enecant, dum vigent, sed longo post morbum tempore. Non cicatrices fœdas hic consideramus; etiam si cutim minus perspirabilem reddant; sed jacturam sensuum, loquelæ, auditus, visus; fatuitatem, memoriæ defectum, paralytim artuum, morbos nervosos, præprimis epilepsiam; phthysim, atrophiam, herpes, aliasque efflorescentias ad medelam rebelles; tum amauroses, pannos, fistulas lacrymales, hypopya, gangrænescentiam totius oculi, coalescentiam foraminum narium, palpebrarum; scrophulas, mesenterii, colli strumas, ulcera rebellia, spinam ventosam.

Hæc discrimina enarrata passim a tertia specie febris variolosæ proveniunt, *purulenta* dicenda, a multa copia puris in sanguine. Dies 12, 13 in his maxime periculosa est, nonnunquam 17., SYDENHAMO observatore. Recentiores 21. 24. lethalem videbant, etiam si ante hanc omnia tranquille extra lectum peragerentur. Falsum inde esse concludimus: morbos malignos semper citissime decurrere.

Curæ in hac secunda febre variolosa consuetæ sunt:




imo *Antiphlogistica*, nempe venæsectio, potus nitrosi, saponacei, melliti, emollientes. Balnea crurum, totius corporis, semicupia. Indicatur hæc: ubi febris boni moris, simplex, nullo vitio bilioso juncta, sola intensione peccans, pulsus altiores, fortiores. Ubi variolæ in homine adulto, habitu pleniore, cum intensiori febre: ubi peripneumonia, pleuritis, aut visceris cujusdam alterius inflammatio. In variolis hyemalibus, vernalibus potius, quam æstivis. In orgasmo ad caput, depositionibus illuc & ad pectus factis, ubi hæ ab orgasmo; nam dantur etiam metastases ab languido motu.

2do *Narcotica*, SYDENHAMO celebrata, bono sæpe effectû, non tamen ubique exhibentur.

Non convenit opium per se, ubi febris inflammatoria; quia autopsia docet, id humores incitare, rarefacere; neque ubi delirium, sopor, aut apoplecticus status ab raptu humorum ad caput; quia vim soporifertam, apoplecticam possidet. Neque ubi calor, sudor magnus; quia est calidissimum, certissimum sudoriferum. Qua somniferum maxime nocet. Mira, sed certa, observatio est, somnum in acutis non levare, & febrim augere; ex obposito, lecto Exemptos,
a som-

a somno Inpeditos, melius se habere. Opium, ut salivationem & diarrhæam cohibens, nocere potest. A salivatione in Venereis, frigore cohibita, pessima mala sequuntur, qualia & hic evenient. Mala capitis augebuntur, & fors ea materies variolosa, quæ salivatione & diarrhæa evacuatur, retinebitur. Opium etiam, ut febrim saburralem quamcunque, quæ sæpe cum malignis confluentibus complicata est, intendens, per se non convenit, nisi post emesin institutam, ad turbas sedandas.

Opium poscunt, indicant: vires vitæ depressæ; ubi agit, ut cardiacum rarefaciens, penuriam humorum ad tempus subplens. POTT, Anglique plures alii opium, qua cardiacum, largiori dosi cum effectu in gangræna senili adhibuerunt. Exigunt præterea opium, æger Infans, Fæmina, verbo Irritabiles omnes: tollit irritabilitatem ad tempus, & motus nervorum perniciosos: tum pustulæ collapsæ ob vim vitæ debilem, materia introrsum vergente, ad interna deposita: opium hic erit cardiacum & sudoriferum, eadem ratione, ac in rheumatismo, podagra, introvergentibus: tum alvus perniciose profusa; uti in confluentibus, cum putrida conjunctis. In his diarrhæa, neglecto salutari



tari evacuante, oritur, cum summa intesti-
norum gangrænosa dispositione. Hanc, ait
SYDENHAM, emetico præcaveri; aut, si
adsit jam, arceri tamen diutius, & antisepti-
cis conjunctis Ægrum fors restitui posse.

3tio *Acida* vegetabilia, maxime mi-
neralia: septicam humorum diathesin his
emendare volunt. *Acida* in omnibus acutis,
præprimis regionibus calidis, laudabantur.
Arabibus valde commendata fuere. Utut
vegetabilium *acida* indicatissima sint, non
tamen sufficiunt scopo antiseptico; quia vi
morbi enervantur: hinc duce HALLERO, &
TISSOTO Recentiores mineralibus acidisma-
jori dosi, eventu fortunato, usi sunt. Sa-
burra putrida resorpta, pus resorptum, per-
spirabile excrementitium subpressum; labem
putridam humoribus, dissolutionem, mali-
gnitatem inducunt. *Acida* hanc corrigunt,
invertunt, ad alvum & urinam ablegant. Ve-
getabilia in minori gradu profuerunt: cito
tamen vincuntur.

Largiorem mineralium dosim poscunt:
pustulæ sanguineæ, hæmorrhagiæ variæ a
putrido orgasmo, ab dissolutione ortæ: præ-
ter aquæ frigidae potum, hæmorrhagiæ na-
rium, hæmoptoë, mictus cruentus præpri-
mis; raptus humorum putridorum ad caput
&


& inde delirium; petechiæ violaceæ, fuscæ, gangrænescentes; salivatio nimia. Eadem opio sistitur: si simul adsint adfectiones nervosæ; alias melius his acidis.

Doses acidorum mineralium. **TISSOT** in hac febris subpuratoria spirit. vitr. intra 2 hor. ad ʒij. cum syr. viol.; alia vice ad dr. iij. intra quatuor horas dedit: alio tempore spirit. sulph. per campan. ad unc. ij. intra 24 horas, aut aqua dilutum, aut syr. obvolutum, exhibuit. Larga dosi hic opus, si quid præstantis efficere volumus. Plerumque tali modo exhibita, bene feruntur, nonnunquam tamen ventriculum adficiunt, dentes flavos reddunt, dein nigrescentes.

4to *Aperiendæ* sæpius pustulæ erunt; forfice potius quam acu, ad resorptionem puris & cicatrices fœdas impediendas.

5to *Dieta* liquida sit ex fructibus aquosis aciescentibus, fragis, ribesiis, cerasis, ferro lactis, lacte ebutyrato.

6to *Purgantia*, mannata, tamarindinata. Multa de his leguntur apud scriptores Anglos prioris sæculi. Conveniunt tam in confluentibus quam in discretis. Dari debent a primo febris subpuratoriæ gravioris initio; ut ter, quinquies alvus intra 24 horas



moveatur, præprimis in confluentibus. In discretis purgandum erit: ut primum pus confici cœpit, id est, ut primum facies flavescit. Hac enim purgatione, pus resorptum evacuatur, novæ variolæ ab resorpto pure oriundæ, molestissimæ prævertuntur, adfluxus major, turgescencia inde nata glandularum salivalium, & suffocatio metuenda, præpeditur; vicaria evacuatione substituta duce natura, quæ ptyalismum diarrhææ substituit in Infantibus. Eadem ratione ptyalismum subpressum, depositionem & suffocationem inde metuendam juvat. SYDENHAMO, HUXHAMO in hoc casu emeticum subitaneum auxilium tulit: dein purgans in hoc stadio methodus universalis est Practicorum omnium. Erit ergo huic vel ideo obediendum.


7mo *Cortex peruvianus* SYDENHAMO largis dosibus in hac subpuratoria celebratus. Convenit ejus decoctum in dissolutione humorum, laxitate solidorum magna, effusi puris collectione, adtritibus viribus. Tarde Reconvalescentibus cum lacte detur.

8vo *Camphora*; interne: ubi validior stimulus requiritur; febre, viribus, languidis, septica diathesi, adfectionibus nervosis. Externe. Ubi variolæ & interstitia gangræne.

nescunt. Sic HOFFMANNUS nobilem Feminam camphora, vitellis ovi subacta totam quantam illitam, servavit.

9no *Vesicantia*; vires horum dictæ, ubi actum de febris inflammatoria. Conveniunt in diarrhæa tumultuaria vires convellente huius secundariæ febris; alias diarrhæa maligne Febrientium vocata, ab saburra neglecta, non ejecta, orta, seu ab complicata febre biliosa putrida saburrali; facie simul Hippocratica, pustulis subsidentibus, interstitiis pallidis, pulsibus exiguis: sistunt hanc adfuras adplicata. Etiam ex alio capite hic profunt. Penes hanc diarrhæam enim deglutitio vel læsa, vel impossibilis est: hinc nulla medicamenta ad hanc sistendam ingeri possunt, & Æger inevitabili fato perire deberet. Per vesicantia vero vires medicatrices per poros hic ingeri possunt. In metastasi materiæ variolosæ ob vim vitæ dejectam; non ob orgasmum: e. g. ob male sanas phlebotomias &c.: hic vesicantia penuriam humorum refarciunt & revellunt. Alia quoque cum his coindicata sunt, stimulantia aromatica vinosa.

10mo Alia in hoc stadio laudata remedia sunt: serpentaria virginiana, angelica, contrajerva, imperatoria, alumen, succus



catechu; radices illæ languido humorum motu & debilitate, in infuso potius quam pulvere conveniunt. Arnicæ radix in diarrhæa priori maligna in pulvere omni bihorio ad dr. fem. aut ad dr. j. egregia est; similiter in larga subpuratione. Alumen & alia adstringentia, sed dilutissima, in hac diarrhæa proficua reperta fuere.

IIIMO Cura symptomatum malorum, enumeratorum, sparsim jam descripta fuit. Finis hujus stadii, seu maturatio perfecta in non malignis undecima die adest.

e. STADIUM EXARERESCENTIÆ, seu EXSICCATIONIS; eodem ordine procedens, quo eruptio, donec in non malignis 14. die omnes exsiccatae sint. Hoc stadio nulla febris præter pruritus molestus: in conferioribus solum levicula febris a pure resorpto, corpus oberrante: præterea collectiones variae puris, v. g. hypopya subitanea.

Cura hic consistit in alvi blanda subductione omni alterna die repetita; die ergo 14. in regularibus sanatio adest. Sed quia nec mitissimæ variolæ ab omnibus pravis fequelis liberæ sunt, præstabit tempore reconvalescentiæ omni octava die per aliquod tempus alvum ducere.

Aphorismi in variolis notandi: Oculus sinister in primo stadio plus lacrymatur, facies sinistra pluribus tegitur pustulis, ergo majorem adtentionem merentur. Difficiles variolas patiuntur, qui cutim densam, crassam, inperspirabilem habent, qui nempe balneis frigidis adfueti sunt, & levioribus vestimentis utuntur. Optimæ dicuntur variolæ a quarto anno ad 14., a decimo sexto ad 20. Periculosæ, si non lethiferæ, sunt, si lingua salinum saporem exhibeat. Artus in primo stadio dolentes, malignas prædicunt. Diarrhæa spontanea ante & post eruptionem mala est, & ab critica confluentium salutari distingui debet. Prurientes nimium sub eruptione, malæ. Hæmorrhagiæ omnes periculosæ sunt; pessima vesicæ est, & inter mille Tales, effato *Sydenhamiano*, vix unus servatur. Si petechiæ cum variolis junguntur; inter quatuor moriuntur tres: quartus quisque, vel ad summum quintus, in confluentibus perit. Moritur, cui tumor faciei subito collabitur, salivatio subito cessat, bases variolarum subito flavescent, respiratio difficilis accedit, vox rauca fit, memoria perditur. Effato *Rosensteiniano* in variolis vel moriendum vel largiter potandum est. Abscessus sæpe salutares sunt, si cito ape-



riantur; hinc bene adtendendum, an nulli-
bi dolor, tumor. Æstate, regnante epide-
mia, tempore dein pubertatis, graviditatis,
puerperii, periculofæ sunt. Variolæ in fau-
cibus non sunt periculofæ, nisi quod deglu-
titionem impediant. A primis diebus tota
salus Ægrotantis pendet. Vapor aceti, cam-
phoræ accensæ, aërem infectum emendat:
ergo in cubili Variolantis proficuus est. Hy-
drogala, serum lactis, decoctum hordei cum
succo citri, optimi potus sunt. Acu aut lan-
ceola vulnuscule cutis ante eruptionem fa-
cere bonum fors esset; quia ibi pustulæ con-
fertiores sunt; exemplum docet Infantis a
matre virgis ad nates cæsi, ubi copiosissimæ
dein pustulæ fuere. Oculi, nares defendi
debent: defenditur nasus ab aliquibus spi-
ritu vini camphor. aut balsamo embryonis;
quia, si nasus liber maneat, non tanta oritur
deformitas. Alii utuntur emplastro de ra-
nis cum mercurio. Internæ pustulæ narium
lac tepidum poscunt injiciendum. Pustulæ
in faucibus, gargarisma emolliens, solum, aut
camphoratum. In insultu epileptico, præ-
cipue tempore eruptionis, clysmata profunt,
& opiate; ni alia contraindicent. Quidam
gradum febris necessarium mensurant pulsi-
bus sexaginta novem. Dum circa 11. diem
sa-

saliva spiffescit & suffocationem minitatur, juvabunt gargarismata emollientia, modicum irritantia.

E. CONATUS Variorum VARIOLAS PRÆVERTENDI, aut penitus DEPELLENDI. Remediis naturales benignas efficere Quidam voluerunt. Abundè de his dictum est. Adhibuerunt, ut specifica, Arabes, imprimis RHAZES, venæsect. ad animi deliquia, acescentia, saponacea; AGRICOLA mercurium vitæ, antimonium diaphoreticum; BALLONIUS epidemia regnante, purgans, dein cardiaca lenia; WEDELIUS bezoardica; MICHAELIS tincturam vitrioli; SYDENHAMUS, DIEMERBROEKIUS purgationem blandam, emeticum; GLAUBERUS sulphur. antim. auratum; SCHREIBERUS mercur. dulc.; ALII mercurium sublim., massam pil. Ruffi., extract. aloes; gum. ammon., galb., æthiop. miner. cum balsam., cum anthelminticis; ALII nitrum; ALII camphoram, asam foetidam; ANGLI cort. peruv.; ROSENSTEIN acida veget.; LINNÆUS moscho propriam familiam, grassante epidemia, salvam servavit. De moscho & camphora plures observationes prostant, quam de reliquis. — Jam præsentè variolosa febre, pustulis erumpentibus Aliqui ab

ulteriore eruptione prohibere volebant, seu pustulas jam præsentēs resolvere: **RHAZES** & **BOERHAAVE** venæsectione, nitrosis. Plurimi testantur, se hac methodo non infelices fuisse, immo deventum eo est, ut una venæsectione ad animi deliquium instituta variolas jugulare tentârint; sed deserta est ab omnibus ferme, quia raro, fors in Paucissimis, benignissimis tantum præsentibus variolis, obtinuit; quia periculosa est: quis enim Puerorum, Infantum venæsectionem ad animi deliquium feret, quin reliqua vita non ruat? quia pustulæ, utut inflammatoriæ, sui generis tamen sunt, quæ subpurari debent, rarissimis exceptis.

Alii **INOCULATIONE** usi sunt, ut tutos præstarent Mortales. Notanda hujus primum *origo*: Videbant, variolas certis temporibus sæve vastantes, aliis benignissimas; hinc hoc benigno tempore inficere Reliquos intendebant. Dum enim necessitas variolarum inevitabilis sit, minus malum eligere voluerunt.

Historia: Antiquissima est, jam inter Barbaros usitata. Tartaris in Asiæ finibus, Atris, Britanniæ populis, adhuc incultis, diu jam culta fuit. Priori sæculo ex Asia Constantinopolim pervenit; ante obsessionem Urbis

bis Viennenſis a Turcis, ſerius ad nos. Prima inoculatio in Hungaria facta legitur apud REIMANNUM. Poſtmodum in Anglia inter Nobiliores celebrata; tandem annis poſterioribus ubique ferme coli cœpit.

Commoda artificialium certa ſunt. Anni tempus ſeligere poſſumus, variolis favens; ver, hyemem, ubi benigniſſimæ, parciſſimæ. Tempore epidemiæ malignæ, ut æſtate, autumno, ob complicationis metum, fuga & ſpecifica erunt ſuadenda.

Ætatem eligere poſſumus. Præſtat Juvenibus quam Adultis, & iterum Pueris quam Juvenibus. Adulti plerumque graviter adſciuntur. Obſervationes docent, Infantes lactantes benigniſſimas, ſed, copioſiſſimas, pati. In his tamen tempus dentitionis vitandum erit; hinc his, ſi ſuadenda, tum ante ſeptimum menſem, aut poſt unum ætatis annum. Præterea cognitio ſymptomatum ab Infantibus haberi non poteſt, ob defectum rationis, & loquelæ. Optimæ enim vario- læ quibusdam ſtipantur e. g. convulſionibus, quæ neglecta periculofa ſunt. Hinc curatio morborum infantilium adeo difficilis eſt.

Ægri conditionem ſanam ſeligere poſſumus. Epidemia enim Sanos æque ac Valetudinarios adgreditur, ſic Dentientes, Fe-



bricitantes, Verminosos, Puerperas, Itinerantes auxilio destitutos. Jam nos hæc vitare aut emendare possumus.

Corpora parare, prædisponere valemus, & sic parata inoculare. Præparatio necessaria est, antea non Sano; necessaria, ratione abusus sex rerum non naturalium. Tota in eo consistit: ut vitium præsens, aut in quod corpus inclinat, auferatur, præcaueatur; Plethorico venam secabimus, Debili cardiaca nutrientia suggeremus; cruditates purgatione aut emesi ejiciemus; Verminosis anthelmintica dabimus &c.

Commoda incerta, necdum per observationes demonstrata inoculationis sunt sequentia. Ajunt Inoculatores, insititias vasa tantum cutanea subire; naturales vero pulmones; ventriculum, sicque vitiari bilem, reliquos humores gastricos & respirationem. Naturales in ventriculo & organis respirationis malo eventu variolas producere: adfert hujus falsitatem jam demonstravimus. Insitionem vices fonticuli subire, multum virus variolosi eliminantis: sed in naturalibus idem vulnuscule parva, cutanea, artificialia, obtinebunt. In naturalibus virus magna copia plenis haustibus adplicari, in insititiis vero minima quantitate: sed constat, minimum vi-

rus,

rus, multas variolas producere posse. Sufficiant nobis commoda certa ad inoculationis felicitatem demonstrandam.

Morbi Inoculatoribus vitandi erunt, omnes febriles ob periculosum consortium; dentitio, prima menstrua, graviditas, puerperium, &c. Morbi a variolis sanabiles, languores potius dicendi, sunt: conditio quædam scrophulosa, quam febris variola, infarctum glandularum solvendo, curat; virus venereum hæreditarium movetur, per sudores eliminatur, ut olim curæ Veterum diaphoreticæ. Rachitidem, tineas, achores, febris hæc emendat, Phthificos, Tussiculos non omnes; sed ab acri in pulmonibus decumbente, e. g. scabioso adfectos sanat.

Concludimus ex his: tempore epidemiæ infami instituendam inoculationem non esse, ob jacturam magni inoculationis commodi. Inde fors infortunia Inoculatorum repetenda sunt. Essentialem differentiam, inter naturales (si qua tales existunt) & infinitas nullam esse, quia nullæ apud nos variolæ spontaneæ absque contagio sunt: uti nulla lues syphylitica absque infectione. Ratiocinium Inoculatoris sequens esse debere: variolæ infinitiæ commodis certis gaudent, vix unquam lethales fiunt; si ergo tales fiant,

quia non semper sine discrimine inferuntur; idem periculum multo citius a naturalibus fuisset, in homine commodis inoculationis privato, hincque inevitabilis illi moriendi necessitas.

Praxes diversæ materiem variolosam ex alio desumptam sanguini alterius communicandi. Rustici antiqui Britanniae, & Afri crustas variolosas cuticulæ derastræ adfricarunt. Asiatici ad mare mediterraneum, fila sericea pure infecta, per epidermidem ope acus ducunt. Sineses crustas naribus inponunt. Alii adposito prius exiguo vesicante, aut vulnisculo facto, pulverem crustæ inspergunt. Europæi initio vulneribus majoribus fila infecta inposuerunt; hodie ob validas inflammationes, subpurationes, ulcera diuturna, tumores subaxillarium glandularum inde natos, a vulneribus majoribus abstinere. Materies feligatur magis aquosa, ad resorptionem facilitandam, ex benignis inoculatis deprompta, quia tutiora sequi præstat; quanquam & ex malignissimis desumptum virus sæpe bonas excitavit. Recens materia præ exsiccata præferenda est. Hanc apice lanceolæ exceptam in brachio, ubi alias fonticuli fiunt, aut inter pollicem & indicem, intra epidermidem trudent, vertuntque, cavent tamen a vul-

vulnufculo fanguinem profundente, ne pauca hæc materies fanguine abluatur.

Symptomata.

Primis 24 horis nil morboſi adest.

Tertia die macula ex rubro flaveſcens diluta conſpicitur.

Quarta. Pruritus in tota vicinia, rubedo parum intenſior cum ſcabritie, veſiculæ minutulæ lympham continentes, microſcopio perceptibiles, præſentiam variolarum communicatarum docentes.

Quinta. Eædem veſiculæ oculo nudo conſpiciuntur, ſcabrities major, plaga major adfecta, quam variolam *genitricem* adpellant. Si quis variolas jam paſſus, aut inmunditate ſingulari gaudeat; eo in caſu plaga leviffime rubet, inſtar morſus pulicis, veſiculæ nullæ ſunt, & ſeptima die nihil amplius adparet.

Sexta. Veſiculæ variolarum ſpeciem referunt, elevatae, acuminatae, limbo rubro donatae, ardentes, dolentes ſunt. Difficultas movendi brachium, dolor ad glandulas ſubaxillares, præcurſor febris variolofæ, adſunt.

Septima. Lympha inſpiſſatur, ambitus rubicundior, amplior, diffuſior eſt.

Oc̃tava. Genitrix variola subpuratur,
& molimina primæ febris variolosæ adfunt.

Prognosis. Quo maturiora signa communicationis, eo mitior morbus. Die quinta macula non rosea, sed profunde rubra, difficilem morbum designat. Quo serior dolor subaxillaris, eo serior febris, & morbi difficultas major. Decima vél undecima die eruptio fit, quoad reliquum inoculatæ eadem ratione decurrunt ac naturales.

Divisio morbi variolosi inoculati, *in mere localem*, brachii nempe variolæ genitricis, & *universalem*.

Regimen secundu universalis.

Dieta non multum a Sanorum recedat ad initium febris usque. Carnea tenerior non vertatur, sufficit a carne multa, victu duriori, aromatico, spirituosus, arcere. Sexta, septima die carnes subtrahantur. Sufficiunt tunc juscula, fructus horræi, olera. Diæta lactea, ad quam quidam Inoculatores omnes Ægros restringere volunt, non Omnibus convenit: multi lac non ferunt. Infantibus erit optima. Remedia, si alieni, complicati, nihil adsit, reducuntur ad aërem liberum frigidum, non tamen ad inmitem frigidam tempestatem; verum ad gratum Ægri

Ægri sensum, huncque toto durante morbo, omnibus sub stadiis : ad corporis motum, moderatum tamen. Primus ob languorem difficulter fit, sed cito utilitatem hujus sentiunt, adsuefiunt, adpetunt. Abstinencia a fomno. Somnolentia est symptoma febris variolosæ ; sed certi sumus, hac febrim intendi ; arceatur ergo animi remissionibus, colloquiis, &c.

(*) Hæc dicta de regularibus ; alia accedentia symptomata curantur uti in naturalibus.

V. FEBRIS MORBILLOSA.

Historia. Origo vix non eadem, ac variolarum est ; in Hispania primo, dein per totam Europam sensim diffusa. Plerumque una vice eundem hominem adgrediuntur morbilli, vere regnant. Pueris consueti, Adultis rari, Senibus rarissimi sunt.

Divisio in regulares, anomalas, benignas, malignas.

Stadia tria habent :

Contagii ; hujus symptomata sunt : horripilatio ; calor subsequens ; febris assidua ; fitis ; lingua peculiariter alba ; tussis superveniens, adfectio pectoris catarrhalis, ster-
nuta-

nutatio frequens ; fluxus per nares materiei corryzalis ; rubor oculorum , scintillatio ; feri aquosi fluxus. Morbus totus compositus videtur , ex ophthalmia serosa , pulmonum adfectione catarrhosa , angina serosa , & corryza ; adsunt præterea tumor faciei , erysipelatosus ferme , lumbago , cardialgia , subinde vomitus.

Eruptionis ; sexta die squammulæ , instar furfurum , secedunt. Nona totum quasi corpus furfuribus conspersum adparet. Si febris benigna , symptoma peripneumonicum cessat : si intensior , hoc augetur. Nona , in benignis , febris mitigatur.

Canones , differentiam a variolis , curam , & prognosin concernentes. Adfectio catarrhalis serosa , tumor faciei major , acre lacrymarum stillicidium , corryza , angina catarrhalis , febrim morbillosam ab omni alia exanthematica , præprimis a variolis , distinguunt. Usus aëris frigidiusculi morbillosa non admittit : proderit tamen in cubili extra lectum versari. Pulmonibus primarie inimica est ; tussis ejus primum & ultimum symptoma constituit. Facile transit in anginam inflammatoriam , immo membranaceam , in pleuritidem , peripneumoniam , tusse convulsi-

vulvas, hisve jungitur. Frequentius est inflammatoriæ indolis ; hinc & frequentior methodus antiphlogistica adhibenda. Tempore desquamationis, tussis ac febris intenduntur, &, si aberant, redeunt, augentur ; a perspirabili retento, cute quasi farina conspersa, tuncque maximum peripneumoniarum periculum est. Si tussis inveterascit, ulcera glandularum parotidum, efflorescentiarum variarum cutanearum adsint ; juvabit bardana, althæa, lac &c. Morbilli æstate biliosis, putridis, lentis junguntur ; rarius tamen, quam inflammatoriis : morbus junctus semper prius curandus erit. Quo eruptio tardior, cæteris paribus ; eo morbus mitior. Subitanea recessio cum delirio lethalis est ; nisi vesicante furis adplicato redeant. Livor pustularum, rubedo nimia, mala sunt. Vomitus eruptione facta persistens malus est, mala gravior superveniens angina. Phthisis frequens morbillorum neglectorum, aut male tractatorum sequela est. Reconvalescentes refrigerationem, & omnia pleuritidi faventia, caveant. Actum acidum minus in morbillis conveniunt, quia fauces irritant, tussim excitant, præsentem exacerbant. Laudatur serum lactis dulce, vel quinque partes infusi sambuci &
una

una pars lactis, &c. Evanescentia consueta morbillorum ne habeatur pro retrocessione.

VI. FEBRES INTERMITTENTES

Quæ febrium cardinalium classes claudunt, quum nuper in Dissertatione *Clar. Doct. MARHERR* sat ample descriptæ fuerint, hic intactas præterire potero; Lectorem ad nunc dictam Dissertationem ablegans.





